

RESPONSE

D'VN SURVEILLANT DE
BEARN AL'ADVIS DONNÉ PAR
les Euesques d'Oloron & de
Lescar aux Catoliques Ro-
mains de Bearn.

Les Euesques.



Imprimé à Londres par I^EAN BIL^E
Imprimeur du Roy. 1615.

80 10.017

Campel IV

*67-912

Response

3
RESPONCE D'VN SURVEILLANT DE

*Bearn à l'aduis donné par les Euesques d'Oloron & de
Lescar aux Catholiques Romains de Bearn.*

LES EVESQUES.

✠✠✠✠ D V I S veritable aux Catholiques de
Bearn, sur les poursuites des Eues-
✠ ✠ ✠ A ✠ ✠ ques d'Oloron & de Lescar en Cour,
✠ ✠ ✠ ✠ pour le reſtabliſſement de l'exercice
✠ ✠ ✠ ✠ de la religion catholique, Apolloliq
& Romaine, & autres choses qui en
dependent, & qui regardent les Reglemens d'entre
lesdits Catholiques & ceux de la Religion pretendue
reformée audit pais, afin qu'ils y puissent viure en y
seruant Dieu, le Roy, & le public, chacun en sa voca-
tion, avec honneur, repos & tranquillité.

LE SURVEILLANT

Et qui vous empeche Messieurs de vous reposer
des maintenant et d'y servir Dieu le Roy & le public
avec hōneur & tranquillité, sans plus vous travailler à
rechercher ce que vous aués desia par deuers vous; car
chacun ſçait que depuis lan mil cinq cens nonāte &
neuf vostre religion y est establie non seulement en
certains bourcs & villages par edict irreuocable du feu
Roy Henry le Grand, mais encore depuis par de nou-
ueaux ottroys presque indifferement par tout le pais,
& notament es principales villes. Comme Morlas,
Orthes, Oloron, Salies, Nay, Lescar Gand, Moncins,

4

Bruget, & fauxbourgs mesmes de Pau, contre les conditions dudit edit, duquel vous auies promis de vous contenter: Et sous ceste promesse nous en auions supporté la verification, avec quelque patience esperans que ce seroit vn moyen de nous rendre tous contents, car sans, cela nous auions droit de nous opposer & la Majesté ne doubtoit nullement que nos oppositions neussent esté receuës en son Conseil, attendu que du temps de la feu Reyne Ieanne de glorieuse memoire tout exercice de ladite religion auoit esté banni du pais a l'intercession des Estats; Et par ce moyen cest arrest auoit esté faict vne loy fondamentale du pais, conuenue entre le seigneur Souuerain & son peuple; lobseruation de laquelle le feu Roy Henry le Grand d'Auguste & glorieuse memoire ayant jurée solennellement à son peuple au retour de la bataille, de Coutras, il est sans doute qu'il n'eust iamais rompu ce serment reciproque, si par vn tacite consentement nous ne nous en fussions aussi departis: Et c'est ce qui luy fist dire en presence de plusieurs qui viuent encore, apres auoir sceu l'executiō de son edict, qu'il n'eut pas creu que nous eussions esté si faciles à le recevoir, Par iceluy les patrons laïcs faisans profession de la religion Catholique Romaine feurent admis à presenter des prestres à leurs benefices à quoy ceux de la religion ont en suite esté contraints, & par ce moyen la messe à esté restablie presque par tous les lieux de Bearn, en plusieurs desquels les habitans estans ou

5
sous, ou presq tous de la religio, il se trouue plusieurs
curés qui iouissent de leur benefice sans faire aucun
office si bien que le nombre des prestres beneficiés
ne iussiroit pas seulement pour seruir toutes les paroif-
ses du pays ou il y à des Catholiques Romains mais
pourroit mesmes ayder vn bõ nombre de paroisses li-
mitrophes à les bien employer. Quand aux reglemés
qu'ils demandent, s'ils estoient possédés d vn esprit
paisible, ils n'en chercheroient point de nouueaux, l'ex-
periēce leur ayāt monsté iusques à present, que ceux
que le feu Roy Henry le Grand qui nous cognoissoit
tous mieux que nous mesme nous à donné par ces E-
dicts ne sont que trop suffisans pour entretenir la paix,
si les menées & pratiques secretes de ces beaux don-
neurs d'aduis, leurs enrollemés, & libelles diffamatoi-
res imprimés a paris, qu'au grand scandalle du peuple
& cõtre les deffences qu'ils en anoiēt receues en cour
ils ont enuoyé publier en Bearn, ne sont les alouettes
de la sedition, qu'ils semblent procurer industrieuse-
ment pendant que leur absence les esloigne du peril,
afin de se deffaire tout à fait de ceux de la religion au
hazard mesme des Catholiques: Et c'est ce qui leur
fait dire (quoy que contre verité) qu'ils sont trente
pour vn, & souhaiter de posseder en paix les Estatz,
honneurs, & dignités, de finace de guerre, & de iusti-
ce, à quoy ils ne iugēt pas pouoir aduenir tandis que
ceux de la religion seront au nombre & en la confide-
ration qu'ils sont a l'endroit du Roy & de la Reyne ce

6
qui a iusques icy Dieu mercy si bien maintenu , & contenu chacun en sa vocation avec hōneur, repos, & trāquilité qu'il n'y a Catholique Romain dans le pais qui puisse dire avec verité qu'il y ait recen aucū trouble, n'y autre inquietude que celle que les Euesques leur dōnent par fouiller trop souuēt dans leurs bour- ces, & nomeement dans celles des pāture curés pour le desfray de leurs frequents & reiterés voyages en Cour , qu'ils sont contrainsts de couourir de beaux , & specieux pretextes & paistre leurs diocesains de nou- uelles esperances pour les entretenir tousiours en hu- meur de leur donner ches eux, afin qu'ils puissent en- core receuoir plus à la Cour , ou depuis seze ans ils nont point fait voyage que le Roy ne leur est bien pa- yé & acreu leur domaine de quelque nouvelle gratifi- cation, comme quelques protestations qu'ils facent au contraire le bruiet commun nous apprend qu'ils aha- nent apres deux mille liures d'augmentatation de pen- sion pour chacun deux , outré les suruiuances de leurs aueschés en faueur de leurs nepueux qui sont les prin- cipales causes de leurs brigues en Bearn , & de leur longue demeure en Cour .

LES EVESQVES.

Après auoir lesdits Esuesques d'Oloron , & Lescar par pleusieurs & diuers voyages importuné le Roy, tant pour obtenir lediet reſtabliſſement, & reglemēt, que pour se plaindre de ce que Messieurs du Conseil ordinaire de Pau refusoient le plus souuent de verifier

les prouisions que sa Maesté accordoit en faueur desdits Catholiques, ou bien y apportoiēt de si grandes longueurs & modifications, qu'elles leur demeueroiēt pour la plus part inutiles; ne pouuans presque plus supporter, n'y la peine, n'y la despence desdits voyages: Et dailleurs recognoissans que la Reyne alors Regente par son aconstumée prudence faisoit difficulté de rien changer en l'estat des affaires dudit pays durant la minorité du Roy, se resolurent de surseoir leurs iustes poursuites, iusques à la majorité de sa Maesté.

LE SURVEILLANT.

Lesperance de la ruine de ceuz de la religion que les Euesques auoient conceue, & fondée sur la mort du feu Roy Henry le Grand, fit proferer à l'Euesque de Lescar portant la parolle pour son clergé à la Reyne pour se condouloir de la mort du Roy, & se conioiur de sa regence, ces impies & scandaleuses parolles dont toute la Cour est encor auourd'huy memoratiue pour le regret qu'elle en conceut. Nous estions perdus, si nous neussions esté perdus, c'est à dire si ce grand Roy, ceste merueille du monde apres lequel lordre ordinaire de la nature ne s'est rien reserué de pouuoir, pour en produire iamais vn semblable n'eut esté proditoirement asafiné; C'est ceste mesme esperance qui rōpit le silence, que ce grand pere de la patrie leur auoit imposé pour nostre bien commun, & leur donna la hardiesse de faire les poursuites dont ils parlent, auant & apres lesquelles le mesme Euesque

s'est rendu si peu ialoux de la conseruation des droits,
 & de la personne sacree de sa Maiesté, de laquelle il
 presuppose auoir avec patience, & esperance attendu la
 maiorité qu'il n'a point fait difficulté de maintenir en
 la presence de celuy qui á l'honneur de se presenter
 son autorité & sa personne en ce pais là, que quand
 vn homme luy reueleroit en confession qu'il auoit
 volonté de tuer le Roy il ne pourroit en conscience
 descourir ceste confession, & ne la decouriroit pas;
 Doctrine nouuelle, dont le contraire à tousiours esté
 tenu, & heureusemēt pratiqué en l'Eglise Gallicane,
 de laquelle les assistants demeurent grandement scan-
 dalisez & luy legitimemēt contredit sans chāgement
 d'opinion, n'y de volonté, bien que ceste maxime soit
 toute iesuitique & noiroirement Criminelle de leze
 Maiesté iugee telle par Arrest de la Cour de Parle-
 ment de Paris du vingt deuxieme decembre mille six
 cens vñze presents & opinans Monseigneur le Prin-
 ce de Condé & Messieurs les Euesques de Beauuois
 & de Noyon Pairs de France prononcé en faueur de
 l'vniuersité contre les Iesuites qui furent condamnez
 à souscrire à la doctrine de leschole de Sorbonne, en
 ce qui conserne la conseruation de la personne des
 Roys, manutētion de leur autorité Royale, & liber-
 tez de l'Eglise Gallicane de tout temps, & anciēneré
 gardees en Frāce, dont les principaux chefs sont con-
 tenus, es maximes suivantes declarees par la bouche
 propre des gens du Roy concluans pour l'vniuersité
 contre

contre les Iesuites.

1. Que le Concile est par dessus le Pape.
2. Que le Pape n'a nulle puissance temporelle sur les Roys;
& ne peut par excommunication les priver de leurs
estats, & Royaumes.
3. Que les Ecclesiastiques ayans ouy en confession vng at-
tentat ou coniruration contre le Roy, ou son estat le doi-
uent reueler au Magistrat.
4. Que les Ecclesiastiques sont subiets du Prince seculier,
ou Magistrat politique.

Desquels nous auons grand occasion de craindre
que lesdits Euesques croient & pratiquent le contrai-
re puis que le plus habille d'entre eux s'est expliqué
si clairement en lun de ces quatre points: qui depen-
dent tous d'un mesme Prince, nous laisse en apprehen-
sion que lesdits Euesques soiēt plus Iesuites que Sor-
bonistes, Italiens, que Francois, Guelphes, que Gibe-
lins, Espagnols, que Bearnois, Papistes, que Royaux, &
tachent de rendre tels leurs parroissiens si par vne de-
claration publique ils ne nous assurent du contraire.
Cependant toutes ces grandes & opiniaistres poursui-
tes: Toutes ces magnifiques intercessiōs des Estats, &
clergē de France: Tous ces bruits semez industrieuse-
ment parmi nous, qu'ils ont obtenu la main leuee des
biens Ecclesiastiques moyenant soixante mille escus
qu'ils ont promis au Marquis d'Ancre, ne nous empe-
chent pas desperer voire nous assurer que la mesme
prudence qui à esté iusques icy fait iuger à la Reyne

qu'il n'estoit pas à propos de rien changer en l'estat du païs, la portera à leur en faire dōner vne si ample declaration à sa Maiefté, de l'aduis de mes Seigneurs de son Conseil, qu'elle leur fera clairement recognoistre, que son autorité & le soin qu'elle à tousiours eu des affaires du Roy, repos, & tranquillité de ses subiects n'a pas prins fin avec sa regence. Et les deschargera par ce moyen de leurs peines & despences, sa Majesté de leurs importunitéz, & son Conseil ordinaire de leurs calomnies, & de l'empeschement qu'ils leur donnent en la distribution de la justice, par leurs iniustes poursuites a l'examen desquels ils sont occupez plus d'un tiers de l'annee inutilement, & avec ennuy, pendant que la vesue & l'orphelin leur crient justice à la porte du Palais, & que les fermiers du greffe minuent leur requestes pour demāder rabais de leur afferme à sa Majesté à cause que les affaires de ces Messieurs se iugent par preference à tous autres, & sans raport n'y aucun emolument, soit pour les greffiers soit pour les iuges.

LES EVESQUES.

Non toutesfois sans vn extreme regret de voir, que cepēdant plus de six vings parroisses composees pour la plus part de seuls Catholiques, demeureroient priuees de l'exercice de leur Religion dans ledit païs, & que toutes les charges tant de justice, Militaires, que des finances y seroient occupees par personnes de la dite religion pret. ref. au grand preiudice de tous les.

aits Catholiques.

LE SURVEILLANT.

Il n'y a parroisse, en Bearn qui n'ait l'exercice de la Religion dans le pays & à sa cōmodité si elle en veut vzer, que s'ils entendent par estre priuez de l'exercice de leur religion, n'auoir point de curez sur les lieux; Il se peut faire qu'il y en a quelques vnes qui n'en ont point, mais non pas en si grād nombre, & sont si voisinees d'autres qui en ont, & qui pour la plus part n'en ont point de besoin, que celles qui n'en ont pas s'en peuuent facilement passer, & faire leurs exercices de deuotion chez leurs voisins. Il y a dailleurs vn grand nombre de paroisses ou il y a des prestres, & neaumoins tous les parroissiens sont de la Religion, & qui en auroit fait des denombrementz en auroit bien trouuè plus de six vingtz. de ce nombre, & qui pis est encore il y a plus de cinq cens villages qui demeurez pour la plus part du temps ie ne dis pas destituez des pasteurs seulement, mais mesmes de la pasture Spirituelle pour estre fort esloignez des lieux ou il y a des Eglises recuiellies, depuis que le nombre des Ministres, & Diacres nous se ut retrachè d'un tiers, & neaumoins sont contrains de payer la premise de leurs fruiets & autres deuoirs aux curez qui sont de religion contraire, demeurans priuez de la leur au grand prejudice de leurs consciences. Cest dequoy les Euesques deuroient auoir vn extreme regret, & non de ce que les charges de finance, Iustice, & milice sont, non oc-

cupees comme'ils parlent, mais iustement possedees & legitiment exercees par ceux qui en ont esté honorez par le feu Roy Henry le grand, ou par sa Majesté à present regnante, le choix & election desquels ils ne peuuent reprouuer suiuant les loix & constitutions imperialles sans cōmettre sacrilege, n'y legij & dire que cela soit au preiudice des Catholiques sans poser ce fondement contraire à c. de di toute raison & aux edits mesme de sa Majesté receus tant en Bearn, qu'en l'Frâce; Que les Catholiques Romains sont seuls capables desdites charges, priuatiuement à ceux de la S. Religion; qui est ce que formellemēt ils veulent & nozent encor du tout dire, ne considerāt pas que les ayāt receues du Roy pour recōpence de leurs seruices ou de leurs predec esseurs, il n'est pas raisonnable que lesdits Catholiques les en pouissent dehors, par des edits violents, sans auoir patience d'attendre leur peau pour s'en reuestir.

LES EUESQVES.

Neaumoins ayinans mieux lesdits Euesques prendre patience, en attendant l'heureuse iournee de ceste Majorité, que se rendre plus importuns enuers leursdites Majestez, n'y sahurter contre les considerations qu'elles auoiēt, Ils se seroient retirez en leurs dioceses: ou estans se seroient mis en deuoir de poursuiure deuant lesdits sieurs du Conseil la verification de quelques prouisions, tant sur leur entree, sceance, & voix deliberatiue audit Conseil, duquel par le for & cōseil,

tume du pais ils sont Concailleurs, & mesmes Presidens
 nais. que sur la reception du sieur de Marca vn des
 Chanoines de Lescar, en l'office de Conseiller audit
 Conseil, dont sa Majesté l'auroit pourueu, Il y à trois
 ans, & principalement sur le reestablissemēt de la Mes-
 se ez villes de Pau, Nay, Morlaas, & autres lieux:
 Mais toutes leurs sollicitations & poursuites pour la-
 dite verification ont esté presque inutiles; Car lesdits
 sieurs du Conseil apres les auoir trainez long temps,
 leur ont fait recognoistre, que leur intétion estoit bien
 esloignée de consentir à ladite verification, reception
 & execution.

LE SURVEILLANT.

Ceux de la Religion non point attēdu avec moins
 d'affection l'heureuse journee de la maiorité du Roy
 que les Euesques, non pour voir finir les iustes consi-
 derations qui ont porté la Reyne regente, & son Con-
 seil, à l'entretien de la paix en ce pais de Bearn, mais
 pour les voir acroistre & augmenter au profit & ad-
 uantage de leurs consciences, en leur rendant le nom-
 bre ancien, & necessaire de leurs Ministres & diacres,
 & la liberté de presenter à leurs benefices, non des
 prestres tonsurez, pour dire des Messes mais des
 enfans estudians pour se rendre capables d'estre vn
 iour l'ornemēt, & l'apuy de l'estat & de l'Eglise; Dont
 les patrons laïcs sont priuez depuis quelques an-
 nees, plus par la suggestion, de quelques enuieux &
 mauuais religieux compatriotes: que par la volonté du

Roy, n'y de nos seigneurs de son Conseil; Dequoy la Noblesse, & le peuple n'ont encores peu faire les hūbles supplications qu'ils doiuent par deuant sa Majesté, tant pour ne s'estre trouuez ensemble depuis sa majorité, que pour l'esperance qu'ils ont conceue qu'elle donnera contentement aux deputez de leurs Eglises vers Grenoble, & arrestera pour vn bon coup les outrecuidees poursuites des Euesques qui cōtent en c'est article celles qu'ils disent auoir faites pendāt le temps de leur patience, & minorité du Roy ausquelles il sera respondu point par point, pourueu qu'avec patience ils me permettent aussi de leur dire qu'ils ont veritablement encore bien pis fait qu'ils ne disent.

Car celuy d'Oloron sous pretexte de poursuiure les affaires Generaux des Catholiques en la ville de Pau, y à tellemēt vexé, & molesté plusieurs d'entreaux, abusant & des priuileges concedez à sa qualité, & des grandes richesses dont il iouit à cause d'icelle, qu'il les à presque mis au desespoir. De ceste verité peuuent estre tesmoings les sieurs de Caussade Gentilhomme Catholique qu'il à longuement harcellé par proces au Conseil ordinaire, du greffe duquel il à fait enleuer les pieces avec grande deception par vn sien Chanoine nomé Casenue, & les emporter en Cour dont les greffiers & le clerc se trouuerent grandement inquietez pour ne pouuoir remettre ledit proces, n'y monstrier que ledit Chanoine n'y personne en fut obligé valablement. Apres luy Andichon marchand de S.

Marie son Diocésain & grâd Catholique² sçauoit dire des nouuelles. Il l'entretient en proces plus de cinq ans y à & tantost par des recusations sans expression de cause, suiuant son priuilege Episcopal; tantost avec cause; sinõ veritable au moins vray semblable, l'empesche d'estre payè de dus mille franx & interes qu'il lui doit pour les auoir paieez pour luy comme sa caution à ce que ledit Dandichon va publiant par les rues de ladite ville de Pau ainsi que i'ay sçeu de bon lieu. Pour celuy de Lescar le sieur de Sorberio aduocat natif de ladite ville grand Catholique Romain peut redre fidelle tesmoignage, quelles ont esté ses sollicitations pendant le temps de la minorité du Roy duquel Seigneur Roy aiant ledit de Sorberio prins à fief vn certain fonds de terre; ou il y auoit iadis vn moulin, en intètiõ de l'y rebatur & a ces fins aiât desia creusé le Canal, ietté les fondemens & mesmes commencé à hausser les murailles. Ledit Euesque, qui se disoit Seigneur direct du dit fonds, pour estre situè au terroir de Lescar (quoy qu'il ne le fut point,) s'accompagna de deus Capitaines, & bon nombre de gens de guerre, avec lesquels il alla en plein iour faire razer les murailles, & peu de iours apres enuoya de nuict grâd nombre de gens embastonez, qui comblèrent le fosse, & rendirent tout louurage non seulemēt inutile; mais presque ruineux à son maistre, qui auoit pour fondement de son droit le iuste & legitime tiltre qu'il en auoit receu de sa Maieste Seigneur directe du fonds,

ou le canal estoit dressé & le moulin basty, ainsi qu'il a esté depuis cogneu par Arrest du Conseil, duquel il ne s'est pas plaint au Roy, pour ne descouurir son iniustice, aussi bien en ce qui touche son interest particulier, comme il a fait sans y penser, en ses plaintes generales.

Quand à la plainte qu'ils font de n'auoir esté receus au Conseil n'y comme Presidens, n'y comme Conseillers, l'aduoue que ce n'est pas à moi de menquerir, n'y discourir des causes qui ont meu le Conseil à ne les y admettre pas; neaumoins puis que ça est vn temps le discours commun des bonnes compagnies & quil en fut vne fois parlé dans nos estats mesme resolu à la pluralité des voix de tous les opinans tant d'une que d'autre religion, que nos Syndicqs avec charge expresse de nous tous soppoheroient à leur reception, Je les prie de trouuer bon que ie leur en die libremēt ce que i'en aprins lors. Qui est, que par la disposition du droit diuin, Ciuil Canonique, & municipal du pais de Bearn, Il est deffendu aux personnes Ecclesiastiques de se mesler des affaires du monde pour en contester n'y decider; & par consequent que les Euesques D'oloron, de Lescar, D'ayre, Dax, & Tarbe, ny les Abez de Sorde, Luc, Saubalade, & la Reule qui sont tous personnes Ecclesiastiques, & croyent auoir autant de droit les vns que les autres ne peuuent pretendre d'estre Aduocats Conseillers n'y Presidens au Conseil.

Quand

Quand au droict diuin I ay leu dans l'Euangile selonc S. Iehan chap. 18. v. 36. que nostre seigneur Iesus Christ duquel mediatement ils se disent successeurs & vicaires; quoy qu'il fut comme il est vray Seigneur Souuerain, fonicier & directe de tous les Royaumes du monde à protesté deuât Pilate que son Royaume n'estoit point de ce mode; Ioh. chap. 6. v. 15. & qu'ayant cognu que les troupes qu'il auoit repeues & rasasies de cinq pains & deux poissons, venoyent derrechef à luy pour le faire Roy; se retira tout seul en la montagne, Il fuyoit les dignitez mondaines & ceux cy les pourchassent avec tant d'affection, qu'ils en quittent leurs pais & les fonctions de leurs charges, & tachent de renuerfer l'estat pour y paruenir.

Encores ay ie leu dans l'Euāgile selonc S. Luc v. 13. 14. que bien qu'il soit le iuge en dernier resort de toutes ses creatures; neaumoins traueillant à lœuure de la redemption du genre humain icy bas; il a refusé de partager les heritages entre les freres, lun desquels len requeroit luy dilant en semblables parolles. *O homme qui m'a constitué iuge ou partageur sur vous.*

Les Apottres suiuant l'exemple de leur Maistre qui leur à serui de loy inuiolable estans appelez par deuât les iuges terriens ont respondu, & subi iugement comme nous lisons de S. Paul, qui fut accusé par les Iuifs deuant Fœlix, & puis deuant Festus Gouverneur de Iudee en presence du Roy Agrippa & apella du iugement à Cæsar & fut mené par deuant le iuge de l'apel

à Rome, comme il apert depuis le vingt & quatriesme chapitre des actes des Apostres iusques a la fin.

Les autres Apostres & depuis leurs disciples & successeurs pasteurs & docteurs de l'Eglise ont comparu deuât les Iuges terriens, qui les ont souuent condânez à perdre leurs biens & leurs vies : dont il ne se trouue que trop dexemples aux histoires. Mais que les Apostres n'y leurs disciples & successeurs au ministration Euāgelique ayent iamais assisté aux iugemēs seculiers de la vie, biens & honneurs des hommes, ou qu'ils en ayent iugé seuls. C'est ce qui ne se lit point plusieurs siecles apres la mort de nostre Seigneur, ainsi que resmoigne S. Bernād qui viuoit au douzieme siecle c'est à dire douze cens ans apres nostre Seigneur lequel escriuant au Pape Eugene 3. luy parle en ceste façon: J'ay bien leu dit il que les Apostres se sont souuent tenus debout pour estre iugez, qu'ils se soient assis pour iuger; C'est ce que ie ne leus iamais.

Le libre intitulé le Canon des Apostres can. 6.81. 83. que les Euesques tiennent pour Euangelique defend aux Euesques sous peine de priuation de leurs Eueschez de se mesler des affaires seculieres n'y d'accepter ou rechercher les charges publiques cōformement au dire de S. Paul en la 2. a Thim. chap. 2.v.4.

Quand au droit Ciuil j'ay ouy dire que l'Empereur Iustinian qui commença à regner lan cinq cens vingt & huiet apres nostre Seigneur, voyāt que les Ecclesiastiques de son temps s'ingeroiēt à reccueillir & retenir

les insinuations des testaments, fit vne loy qui se trouue inseree au premier libre de son Code au titre des Euesques & clerqs qui comence *repetita*, par laquelle il leur deffend tresexpressément, sous peine de cinquante liures d'or de se mesler à l'aduenir de ce mestier. D'autant dit il que c'est chose mal seante, & mesme ignominieuse à gens de leur sorte, de vouloir paroistre entendus aux contestations & plaidoyers du barreau par ou il les exclud clairement de la postulation, tabellionat & iudicatures appendances & dependances d'icelles.

Pour le droit Canon j'ay aussi ouy dire & tenir pour chose certaine qu'il y a vn titre expres qui porte que les clerqs & les Moines ne se doiuent point mesler des affaires seculieres. Or que les Euesques, & Prestres soient clerqs, & que les affaires qui se traitent au Conseil ordinaire, soient affaires seculieres ie ne pense pas qu'ils le puissent n'y veuillent nier; Et c'est ainsi que l'ont recogneu, & entendu leurs predecesseurs cõpilateurs des constitutions de l'Eglise Cathedralle de Lescar, par vn article desqueles la mesme deffence est faite à ses Prestres & Chanoines.

Reste maintenant de venir à nostre Foõ, & loy municipale de laquelle ils font leur bouclier d'Aiax pour parer à tous les coups precedens, & establir sans replique qu'ils sont Conseillers, & mesmes Presidens nais au Conseil ordinaire, contre la verité & ce qui en feut lors resolu aux Estats, sur des viues & fortes

raisons bien examinées & contestées de part & d'autre, desquelles n'estant impossible de me souuenir par le menu, i'en diray ce peu qu'il m'en souuient qui est. Que les Estats pour bien iuger de la question firent lire de rang & par ordre les deux premiers articles du Foô Rubrique du Cōseil le premier desquels est de la teneur suiuant.

Sept Conseillers demoreran résidens au Conseil, ab lo Chancellic, qui prsidera.

Par c'est article iouys cōclurre a plusieurs que le Foô n'auoit establi que sept Conseillers, & le Chancellic pour President, sans faire mention n'y d'Euesques n'y d'Abbez : Mais que depuis le nombre des Conseillers auoit esté augmenté iusques à douze inclusiuemēt & deux charges de President erigees pour presider, l'un à sept Conseillers à la chambre ciuile, l'autre à cinq, en la criminelle, sans en ceste erection faire non plus mise n'y recepte d'Euesques, n'y d'Abbez, que de festus que ce nombre auoit esté trouué si parfait, & si commode pour la distribution de la iustice, que quand on l'auoit voulu alterer par augmentation, les Estats l'auoient prins a grief, & obtenu cassation des Estats supernumeraires cōme d'asses fraîche memoire de celuy du sieur du Pôt qui est auourd'huy Cōseiller en la place du feu sieur de Muilh, que si les Euesques, & Abbez estoient conseillers n'ais, il n'y en auroit seulement douze mais plus de vingt. A quoy quelques vus respondirēt qu'il falloit auoir par

tience de lire l'article suivant qui est le second de la dite rubrique.

Et en absenci de luy, vn deus Euesques, & Abbats & en deffaut d'aquets l'ô plus ancien Conseillê presidera sinô que autrement per lo senhor y sie prouedit.

C'est article leu, ceux qui auoient desja donné cognoissance de leur opinion sur le precedent s'escrierent disans que l'erection des deus Presidents, & la praique depuis obseruee auoit forclos les Euesques, & Abbez de l'entree du Conseil puis qu'ils n'y estoient appelez que pour y Presider, en l'absence du Chancelier, qui lors y estoit seul President. Plusieurs des anciens asseurerent, que depuis ceste erection ils n'auoient iamais ouy dire que aucun Euesque y feust entré sinon qu'il feut Prince, Lieutenant de Roy, Chancelier ou gardeseaux comme Iaques de Foix, Louys d'Albret Euesque de Lescar, & Claude Regin Euesque d'Oloron desquels on peut monstrier quelques entrees au Conseil separemêt & en diuers temps, & non iamais de deux à la fois n'y d'aucun Abbé avec eux, n'y deux mesme en qualiré d'Euesques seulemêt, & ce encores lors que la seule religiô Catholique Romaine estoit receue dans le pais. Car depuis la reformation seulement commencee, il ne se trouuera point que les Euesques, ni Abbez ayent aucunement taché d'auoir entree au Cōseil, pour y opiner, ou dire droit entre des parties, qui pour este de religion differente à la leur pouuoient ne les aprouuer point pour leurs

Iuges, & eux mesmes ne deuoient en conscience comme ils ne doiuent se porter pour tels, sachant que par le serment de fidelité qu'ils font au Pape leur Souuerain ils promettent & iurent de procurer la ruine de ceux de la Religion à quoy tout de freiche datte ils viennent de sastreindre plus estroitement par la reception du Concile de trente, qu'ils ont signé avec le reste du Clergé de France, par vne espece de rebellion & felonie contre les droits de la Couronne, & priuileges de l'Eglise Gallicane si bien que comme les Ministres ne pourroient estre iuges des Catholiques Romains, quand mesme ils se mesleroyent de la iudicature, aussi les Euesques ne le peuuent estre de ceux de la Religion, mesmement auourd huy que pour euiter les incouueniens que la diuersité de Religion apportoit aux iugemens: ceux de la Religion de France ont obtenu les chambres de ledict dans lesquelles il n'y entre n'y Euesques, n'y Abbez n'y Prestres, n'y Chanoines! Et les Euesques ont obtenu en Bearn de pouoir recuser sans expression de cause deux iuges de la Religion, tels qu'il leur plaira en chascun proces. Qu'il n'y auoit point d'apparence que sa Majesté bien informée de la verité de c'est affaire voulut assubietir ses subjects de la Religion en Bearn à ce dont il les auoit dispensés & deschargés en France; si bien que d'un commun consentement les Catholiques prenaient à contrecœur que les Euesques voulussent mettre le nez par tout, nos syndics seurent charger par Arrest

de s'opposer à leur entree au Conseil ; craignant aussi que de la, comme l'appétit vient en mangeant, ils vou-
 leussent entrer aux Estats, la ou nous estiōs tous d'ac-
 cord qu'il ne failloit receuoir ni Prestres ni Ministres,
 mais les renuoyer tous esgallemēt prier Dieu & faire
 leurs charges nous laissant à chacun faire les nostres.
 Et me souuient fort bien qu'apres que nous feusmes
 sortis, il y en eut d'entre nous qui dirent asses libre-
 ment sur la rue à des Catholiques Romains leurs a-
 mis, qu'ils deuroient Conseiller l'Euesque d'Oloron,
 de se reconoistre, & de considerer: que n'ayant iamais
 aprins à bien decliner son nom ; Estant d'ailleurs fils
 d'un pauvre sauetier, & tabernier de soule nōmé Mai-
 tie, ayant employé la meilleure partie de sa jeunesse,
 à solliciter des proces à Bourdeaux, & iouer aux car-
 thes & aux dez, il se deuoit contēter de se voir riche
 de vingt mille liures de rente en benefices qu'il tient,
 tant dedans, que dehors le pais ; & de se faire apeller
 Mōseigneur a ses Prestres & domestiques sans se mes-
 ler des choses qu'il n'entent point, non plus que le la-
 tin, & lesquelles s'il estoit vray Euesque il deuroit fai-
 re gloire de ne point entendre: que s'il pressoit plus
 ceste entree il estoit à craindre qu'il se rendroit aussi
 odieux à ceux de la Religio, comme il estoit aux prin-
 cipaux, & à la plus part des Catholiques notamment a
 ceux de saincte Marie ses diocesains qui ne sont ia-
 mais à leur aise, que lors qu'il est esloigné d'eux, tant
 il est d'humeur hagarde, & de tout point incōpatible

avec son peuple, sauf en ce qu'il aime à tracasser & vagabonder, & comme les Menestriers, n'a rien plus en horreur que son logis, en quoy son humeur leur reuient fort pource qu'elle lessioigne deux

Quand à Messire Jean de Sallettes Euesque de Lescar qui iadis s'apelloit Isaac; qu'il seroit aussi à propos de laduertir qu'estant fils puîné dun Presidēt de Pau fils de Sallettes de Serres (village asses proche de ladite ville) sur le bien duquel a peine pouuoit il
 • esperer mille escus de legitime en ayant auioird huy
 • plus de quatre mille de rente, il deuoit arrester ses des-
 • fains & ses poursuites, au lieu que le feu Roy Henry le
 • Grand layāt nourri & esleué en son College afin qu'il
 • peut vn iour seruir au Ministère, ayant emporté les
 • vaisseaux du tēple de ches nous pour y boire & s'en-
 • yurer de delices en Babylone, il ne se cōtente pas da-
 • uoir vne fois quité l'estude de la Theologie Chrestie-
 • ne, pour vacquer à l'estude des loix, & depuis ce mes-
 • me estude, & vn estat de procureur du Roy qui luy
 • estoit assēuré au parlement de Pau, ne se iugeant pas
 • luy mesme propre aux affaires de iustice, pour em-
 • brasser la Theologie de Rome, qui la rendu plus puis-
 • sant & plus riche que ces aînez ni tous ses predeces-
 • seurs ensemble si pour tesmoigner d'autant plus son
 • incōstance il ne se rēd encores, ou Presidēt, ou Con-
 • seiller, changeant autant ou plus de fois de dessaing,
 • que de religion & de nom. Or reuenant à nos mou-
 • tons les Estats aiant iugé les Euesques & Abbez inca-
 pables

bles de la iudicature, & le foû au septiesme & huieti-
esme article de la Rubrique d'aduocats iugeant les
prestres, & religieux incapables de la postulation; sinõ
en certains cas y exceptez ie pense auoir suffisamment
monstré que par le droit diuin, Ciuil Canonique &
municipal, les Euesques & tous ceux qui ont le carac-
tere de clericature, sont exclus de la postulation &
iudicature, & partant qu'ils sont notoirement mal fõ-
dez en ce qu'ils se plaignent, que n'y eux n'y Marca
prestre & Chanoine n'ont point esté receus au Con-
seil pour y estre Conseillers, l'un ordinaire & les au-
tres extraordinaires, le Conseil n'estant point obligé à
les y receuoir contre tout droit diuin & humain.

La derniere poursuite qu'ils disent auoir faite, est le
reestablissement de la Messe es villes de Pau, Nay, Mor-
laas, & autres lieux, Lequel ils ont obtenu; mais par vn
Esprit de contention duquel ils sont possédez, ils ne
veulent point accepter vn temple de deus qu'il y en a
en la ville de Morlaas ains veulent qu'on leur quite le
plus beau bien qu'il n'y ait en toute ladite ville n'y
faulxbourcs d'icelle huiet hommes portans chapeaux
qui soient Catholiques Romains, & que le lieutenant
du Senechal, tous les Aduocats du siege, les Gentils-
hõmes, & autres notables bourgeois de la ville soient
de la religion. Apres qu'ils ont obtenu permission
de bastir vn temple aux faulxbourcs de Pau, & d'en
choisir le lieu, ils ont laissé plusieurs places com-
des appartenant à des Catholiques Romains pour con-

traindre comme ils ont a la fin contraint par arrest du Conseil duquel ils se plaignent tant, vn hostelier de la religion de leur vendre sa grange & la moitié de la basse Cour sur lestimation de laquelle ils ont tant chicané qu'ils ont fait voir claiement que leur intention estoit, ou de l'auoir à fort vil prix, ou de tirer laffaire en longueur sattendans par vn renuersement general dauoir le temple de la ville, comme par vn otroi particulier ils ont obtenu celui de Nay qui est vne ville dans laquelle la messe est long temps y a estable, aussi bien qu'es autres villes bourcqs, & villages ou ils ont voulu poursuiure l'excecution de la volonté du Roy letquels ils se gardent bien de nommer, se contentant de dire par vn artifice plein de caption, & de malice que leurs poursuites ont esté presques inutiles leur ayant le Conseil fait recognoistre apres les auoir trainez long temps, que son intention estoit bien esloignée de cōsentir a ladite verification reception & excecution, afin de faire comprendre que le Conseil na rien verifié n'y executé des choses susdites; Ce qu'ils scauent bien estre contraire à la verité & deuroient faire conscience d'en parler si malignement.

LES EVESQVES.

Cependant la conuocation des Estats generaux du Royaume de France, ayant esté faite en ceste ville de Paris, le bruiet courut par tout, que des l'ouuerture, & es premieres sceances, lesdits Estats auroient resolu de demander au Roy, que par Edict expres ledit pais de

Bearn, feut declaré vni à la Couronne de france , & ce bruit feut porté audit pais ou estoit alors lesdicts Euesques.

Quelque temps apres les Sieurs Archeuesques , & autres Euesques de la prouince d'Aux , qui estoient ausdits Estats, dans laquelle Prouince ledit pais est aussi comprins sous les Euesques d'Aux, de Tarbe, d'Ayre, d'Oloron, & de Lescar, donerent aduis aux, dits Euesques d'Oloron, & de Lescar, comme lesdits Estats ayans sceu & cogneu , tant par le bruiet commun, que par les Cahiers & instructiōs des Senechauccees circonuoisines dudit pais de Bearn, que Bien que suiuant l'edit de Nantes, l'exercice de ladite religion Catholique deuit estre remis par tous les pais & terres de lobeissance du Roy, les Catholiques reſtablis en toutes charges, honneurs, biens & reuenus, leurs appartenāces & depandances; que toutesſois cela n'auoit point esté effectué audit pais; au moyen dequoy lesdits Estats auoient reſolu de ſupplier le Roy d'y pouruoir, & y mettre vn bon reglement; adioutant qu'il estoit beſoing, & neceſſaire que pour le deu de leurs charges, & pour ne laiſſer perdre vne ſi belle occaſion de procurer tant de bien, & de contentement ausdits Catholiques de Bearn) Ils ſe rendiſſent au pluſtoſt en ceſte ville de Paris pour ſe ioindre aux treſhumbles ſupplications que lesdits Estats auoient arreſté d'en faire, comme eſtans lesdits Euesques plus particulierement inſtruiſts des affaires dudit pais.

Sur lesquelles lettres , qui estoient fort pressantes, & sur les sollicitations & d'oleances de plusieurs Catholiques dudit pays, faites contre lesdits Euesques en particulier, de ce qu'ils auoient surcis lesdites poursuites , & les auoient laissez sans l'exercice de leur Religion, leur imputant mesme le retardement dudit reſtablissement; d'ailleurs sur les ordinaires vexations, & entreprinſes deſdits ſieurs du Conseil, qui nonobſtant les reglemens accordez par le Roy en faueur deſdits Catholiques, prenoient cognoiſſance de toutes matieres Eccleſiaſtiques, ſpirituelles, Sacramentales, caſſant & annullant les ſentences des Euesques ou de leurs officiaux, baillees ſuiuant les ſaints Canons & decrets de l'Egliſe Catholique , pour n'eſtre conformes aux ordonnances de la feu Reyne Ieanne tirees de mot a mot de celles de Geneue, comme ſi l'eſdits Catholiques ayant eſté reſtablis dans ledit pays, y deuoient eſtre ſubiects : pour ces raiſons d'ocques & autres conſiderations regardant le general des Catholiques, lesdits Euesques ſe ſeroient rendus à la Cour ; ou eſtans arriuez avec beaucoup d'incomodité, ils auroient trouué comme les trois ordres deſdits Eſtats d'un cōmun conſentemēt auoient dreſſé & mis en leur cahier general les articles ſuiuans.

EXTRAICT DV CAHIER GENERAL
DES ESTATS DV ROYAVME DE
FRANCE.

Par l'aduenement du feu Roy vostre Pere à ceste Couronne, & suiuant les loix fondamentales du Royaume, le Bearn y doit estre reuny, & annexé inseparablement : & d'ailleurs ce qui à esté vne fois soumis à la puissance de nos Roys, n'en deuant iamais estre separé, vostre Majesté est treshumblement suppliee, en adioustant à l'Edict du mois de Iuillet mil six cens sept, declarer ledit pais de Bearn son ancien patrimoine, estre reuni a la Couronne de France, d'ont il releuoit autrefois : & la mesme treshumble supplication vous est faite pour le Royaume de Nauarre, à ce qu'il soit aussi inseparablement vny à la France.

En cōsequence de laquelle vnion, vostre Majesté est aussi suppliee de remettre en tous les lieux dudit pais, l'exercice de la religion Catholique, Apostolique, & Romaine : & restablir tous les Ecclesiastiques, tant seculiers que reguliers en leurs honneurs, priuileges, & prerogatiues, & en la iouissance de leurs Benefices, Dismes, Obits, fondations, fief, Maisons, Eglises, Monasteres, Cimitieres, Iurisdiccions, & de tous leurs autres biens & droits, de quelque nature & condition qu'ils soient ; & ne vouloir pas permettre que leursdits biens soient emploiez & affectez, comme ils ont esté iusques icy à l'entretènement des Ministres, d'un College & seminaire d'escoliers de la pretendue religion pour leur Ministère, & autres vsages profanes, pour l'establissement & auancement de ladite religion pretendue reformee.

Et pour pouruoir aux iniustices, oppressions, & mauuais traitemēt que les Ecclesiastiques & Catholiques dudit païs recoiuent tous les iours en vostre Conseil de Pau, composé de Iuges de la Religion pretendue reformee: Plaira à vostre Majesté, attendu que lesdits Catholiques y sont sans comparaison en beaucoup plus grand nombre, y establir vne chambre my partie, en laquelle tous les proces & differens d'entre les Catholiques, & ceux de la Religion pretendue reformee puissent estre iugez & terminez: Et tous vos ~~Ver~~dicts & lettres patētes, en faueur desdits Catholiques verifiés, conformément à ce qui a esté ottroyé, & qui ce pratique es autres Parlemēs de ce Royaume, pour ceux de ladite Religion pretendue reformee. Et touchant les matieres esquelles l'Eglise, ou les Ecclesiastiques auront inrereſt, plaira à vostre Majesté que ledit Conseil de Pau n'en pourra prendre cognoissance sous aucun pretexte: Ains que ce soient les seuls iuges Catholiques de ladite chambre my partie, faisant cest establissement en la forme qui sera aduisé la plus conuenable en vostre Conseil.

Plaira aussi à vostre Majesté ordonner que tous gouuernemens, Capitaineries & autres charges militaires dudit païs ensemble tous offices de Presidens & Conseillers, de iudicature, finances & autres serōnt affectez aux Catholiques, & à eux donnez vacation aduenant par mort, forfaiture, ou autrement, sans que ceux qui les possèdent puissent estre admis à les resig-

ner en faueurs d'autres que catholiques: pour le mois, iusques à ce que telles charges soient my parties.

Plaira à vostre Majesté faire expresses inhibitions & deffences à vostre Conseil ia establi, où qui pourra estre establi comme dessus de prendre aucune iurisdiction, Cour, n'y cognoissâce sur les matieres, qui sont de la iurisdiction Ecclesiastique: Ains que les appellations qui seront releuees des sentéces des Iuges ordinaires de l'Eglise, retortiront à leur superieur Ecclesiastique qui est le sieur Archeuesque d'Aux.

Plaira à vostre Majesté, sur tout ce que dessus & autres points qui en dependent, faire vn edict & reglement general entre lesdits Catholiques, & ceux de ladite Religion pretendue reformee; afin qu'ils puissent viure en paix, vnion, & tranquillité, sans entreprendre les vns sur les autres, & sans aprehension, enuie ni ialousie.

LE SURVEILLANT

L'intention des Euesques estant de monstrier aux Catholiques Romains de Bearn ausquels ils adressent leur escrit, & aux autres habitans du pais, qui iusques icy se sont laissez piper à leurs belles parolles & complimens, qu'ils n'ont point procuré l'vnion de Bearn a la France par les trois articles precedents & ceux du Cahier desdits Estats ils cottent les causes de leur voyage; Surquoy ils seront aduertis qu'ils enfourment fort mal leurs discours pour prouuer leur intention, entant que sur le bruiet qu'ils disent auoir couru que

les Estats de France demâderoient l'vnion de Bearn,
 ils presuposent & passent comme chose hors de dou-
 bte, que le pais de Bearn est comprins sous la pro-
 uince d'Aux. Car ce n'est pas reprouuer l'vnion que
 de poser ce fondement, & establir ceste proposition
 purement & simple, sans distinction n'y l'imitation,
 Veu qu'il n'y a Bearnois zelé au bien de sa patrie, qui
 ne la doie contester negatiuement & qui par sura-
 bondance de droit ne puisse prouuer sa negatiue par
 l'histoire & les reglemés de nos seigneurs Souuerains.
 Qu'ils vont establisant entant qu'en eux est, que tou-
 tes les charges de l'estat appartenēt aux Catholiques
 Romains, & que ceux de la Religion leur y occupent
 maintenant, qui n'est pas le chemin pour trouuer la
 paix, & tranquillité qu'ils font semblant de rechercher.
 Qu'il semble qu'ils aient prins à tache contre le pre-
 cepte de S. Paul de blasmer les puissances superieu-
 res, & s'esleuer contre & par dessus ce qui est appellé
 Dieu en terre, suuant les predictiōs de l'Apocalypse,
 entant que non contents de blasmer calomnieusemēt
 le Conseil ordinaire du Roy, qu'il a establi pour dis-
 tribuer la iustice Souueraine dans le pays, sans produi-
 re aucune preuue de leurs plaintes, les descricant seule-
 ment pour les rendre odieux, à sa Majesté, & mespri-
 sables à son peuple, Ils sont encores si outrecuidemēt
 audacieux que dozer attaquer l'heureuse memoire de
 la feu Reyne Ieanne nostre vraye Debora, & du
 grand & inuincible Henry son fils vnique nostre vray
 Gedeon

Gedeon durant le temps desquels le pais fut à recou-
 quarante ans, disant que les ordonnances par elle fai-
 tes sur les mariages depuis confirmees par ledict mes-
 me du grand Henry portant retablissement de la reli-
 gion Romaine sont tirees mot a mot des ordonnan-
 ces de Geneue, pensant par ce nom les rendre odieu-
 ses & suspectes à leurs troupeaux au lieu de recognoi-
 stre & publier qu'elles sôt prises de la parolle de Dieu
 & des plus pures & saintes loix des Empereurs Chre-
 stiens, contre lesquels ils souffrent que leurs vicaires
 separent quelquefois des mariages accomplis par co-
 habitation charnelle & communauté de toutes choses
 de plus de vingt & cinq ans; & leur malice en cest en-
 droit va iusques là qu'ils tachent obliquemēt d'impr-
 mer ceste creance à leurs parroissiens que la ville de
 Geneue estoit a ceste glorieuse Princeesse, & à ceux
 qui professent la mesme verité qu'elle ce que iadis Ie-
 rusalem à l'Eglise Iudaique, & maintenant Rome a la
 leur. Finalemēt ils seront aduertis que les plaintes des
 Catholiques du pais cōtre lesdits Euesques sur le sur-
 foy de leurs poursuites, qu'ils cottent pour vne des
 causes de leur voyage, sont contredites par les sollici-
 tations, inductions, denombrements, & enrollemens
 illicites que despuis leur depart d'entre no^s, ils ont e-
 sté contraints de mendier par les vilages, pour faire
 croire à quelques pauvres vilagois que c'estoint eux
 qui les auoient hastes d'aller en Cour, d'ont ils ne se
 peuuent excuser par negatiues leurs agens & vicaires

ayant esté prins sur le fait.

Quand aux articles du cahier des Estats de France d'autant que les Euesques en resmirent les raisons en ce qui suit de leur Apologie ce seroit peine perdue, de leur faire vne responce à part & partât pour n'aller au chage ie suiuray comme pas à pas & mot à mot ce qui reste de leurs discours.

LES EVESQUES.

Desquels articles, & de ce que Monsieur l'Archeuesque de Lion, auroit representé de viue voix à leurs Majestez, au nom desdits trois ordres sur ce subiect, lesdits Euesques d'Oloron, & de Lescar, ayans eu connoissance; ils declarerēt ouuertemēt & franchement à tous ceux auec lesquels ils en parlerent, que leur intention & volonté n'estoit point de se porter aucunement a la poursuite de ladite vnion, pour laquelle ils n'auoient autre affection que celle dudit païs desirans demeurer vnis avec leurs compatriotes pour la conseruatiō. des priuileges, frâchises, libertez, & souueraineté dudit païs. Mais pour le regard des autres chefs, & demandes contenues ausdits articles, excepté ladite vnion qu'ils recognoissent avec tous les Catholiques de Bearn, auoir vne grande obligation ausdits Estats, du soin qu'ils auoient voulu prendre pour eux; & apres en auoir remercié quelques vns d'entre eux en particulier, leur auroiēt fait entendre, comme ils s'estoient portez expressement en ceste ville pour se ioindre avec les Estats ausdistes supplications.

Et bien que l'aduis de plusieurs feut, qu'il estoit raisonnable que lesdits Euesques d'Olorô, & de Lescar, se rendissent en la chambre desdits Estats, pour les remercier du soing & affection qu'ils leur auoient tesmoigné en cest endroit; ils feurent neanmoins si retenus que de ne s'acquiter point de ce deuoir, afin seulement que personne ne peut pretendre qu'ils fauorisassent la demande de ladite vnion, n'y qu'ils y apportassent aucun consentement expres n'y tacite: s'estans contentez à ceste occasion, de faire leurs sollicitations a part enuers leurs Majestez, Messieurs les Princes, & autres seigneurs du Cōseil, sur tous les chefs contenus esdits articles excepté ladite vnion.

Et quoy que lesdits Euesques ayent apporté toute la discretion & moderatiō qu'on eust sceu desiré d'eux en ladite poursuite: & que leur intention n'ait esté que bonne & sainte, regardant le bien public, & l'intrest des Catholiques en general, ils n'ont peu neanmoins estre exēpts de diuers bruiets, que ceux de ladite Religion pret. ref. ont fait courir à leur desauantage.

LE SURVEILLANT.

Vous auez doncques approuué tout ce que les Estats ont dit mesmes contre vos Iuges, excepté la demande de l'vnion Messieurs les Euesques? Je croy ce que vous dites & plus encores, de sorte qu'en ce point nous voyla d'accord. Mais cōme ie suis vn peu grossier, ie ne puis cōprendre que vous puissies reiecter l'vnion, & approuuer ce qui en depend. Celuy qui veut

entretenir vn bastiment se garde bien d'en renuerfer le fondement. Car sans icelluy tout le reste tomberoit à terre. Toutes ces belles demandes qui vous chatoillent le cœur ne subsistent que sur l'vnion, comme vne maison sur ses fondemens. Comment pourrez vous doncques auoir l'vn, & laisser l'autre qui luy donne sa vie & son estre, & sans lequel il ne peut estre, ni vous en iouyr? Cest a ce que ie croy que pour ne rien gaster vous prendrez tout, mais diuersiement; l'vnion a regret, & ne pouuant faire autre chose, le reste avec ioye & contentement. Voyla qui ira fort bien si la corde ne rompt: Ateure ne doute ie point que vos intentions ne soient bonnes comme vous dites, & cependant quoy que vous ne pensiez en mal non plus que de vieux singes ces Huguenots qui ont les langues affilees comme les cousteaux à deux tranchans des peres Iesuites, ont semé de faulx bruiets contre vos bonnes intentions dites vous. Voyons & oyons vn peu à la pareille comment ils nous ont chatfourrez?

LES EVESQVES.

Premierement on a dit qu'ils ont procuré & sollicité ladite vnion: Mais la verité n'aifuemēt representee cy dessus les iustifie de ceste calomnie.

LE SURVEILLANT.

Dire que le Bearn est compris sous la Prouince d'Aux, demander que les appellations qu'on interiectera d'eux y resortissent, & ne le dire pas seulement, mais l'escrire, le faire imprimer & publier en Bearn,

& en France; accepter les demandes que les Estats generaux ont faites en suite, & consequence De l'union, est bien vne verité à parler a leur mode, qui mōstre qu'en laculation il n'y a point eu de calomnie.

LES EUESQUES.

Secondement on a voulu mettre en auant que lesdits Euesques poussez de leur profit & interet particulier, se sont portez a faire ceste poursuite.

LE SURVEILLANT.

Si par le passé on peut preiuger le present & l'aduenir il y a grande apparence qu'on ait voulu dire la verité. Car depuis seize ans que les Euesques sont restablis en Bearn, ils ont pretque plus demeuré a la Cour ou par les chemins qu'en leurs dioceses, destrayez & payez de leur voyages par leurs prestres & diocessains & neaumoins outre cela ils nont iamais fait voyage q le Roy ne leur ait payé, & qu'il ne leur ait dōné quelque nouueau contentement, comme dismes, seigneuries, augmentation de pensions & tout fraichement les suruiuanes à leurs benefices en faueur de leurs nepueux & quelque chose de plus ainsi que leurs plus affidez seruiteurs ont des pieça publié dans le pars.

LES EUESQUES

A la verité ce sera leur profit, quand ils se seront acquitez de leur deuoir en procurant ledit restablissement, comme ils y sont obligez: Mais prédre le profit, en la façon que ceux qui les en veulent rendre odieux l'entendent, à sçauoir pour en augmenter leurs

commoditez : Ceux qui ſçauront leſtat des affaires dudit pais, ſ'ils veulent rendre teſmoignage à la verité, pourront touſiours atteller le contraire.

Et de faiet le premier chef de la demande qui regarde ledit reſtabliſſement va au proſièt, & contentement de tous les Catholiques, & particulièrement de ceux qui ſont encores priuez dudit exercice. Car pour leſdits Eueſques ils ni gagneront que l'augmentacion d'un plus grãd ſoing, peine, diligẽce, & deſpence qu'il faudra qu'ils apportent tant pour l'excecution dudit reſtabliſſement, que pour remettre la police & diſcipline Eccleſiaſtique en ces lieux là, eſquels elle ne peut eſtre que fort alteree, veu le long temps qu'ils ſont demeurez priuez de l'exercice de la Religion Catholique.

LE SURVEILLANT.

Icy Meſſieurs les Eueſques ie vous adiure au nom de Dieu de mettre la main ſur voſtre conſcience ſi vous la pouuez trouver, & me dire en verité Si les vaquants que vous prendriez ſur tous vos nouveaux curez, comme vous auez fait iuſques icy ſur tous ceux qui en vertu du premier Edièt ont prins poſſeſſion de leurs benefices, dont vous auez prins la moitié des fruiets de la premiere annee, les ſalaires des tiltres que vous leur faites pour bien payer, l'argent que le Roy vous donne pour les douze Curez que vous pourriez lors garder pour vous entierement, comme vous faites des apresent en partie, d'autant que vous auriez

beaucoup plus de prestres qu'il n'en faudroit pour vos dioceses; les impôfitions sur les nouueaux, & peut estre anciens beneficiers, pour le remboursement des pots de vin, voyages, recompenses, & autres specieux moyens d'auoir de l'argent que vous auez heureusement pratiqués iusques icy? La mesnagerie que vous aportiez aux affermes des dismes que la noblesse préd auiouird'huy à prix honneste des commissaires de la Maiesté, & dont vous commencez a les seurer de bon heure quels Catholiques qu'ils puissent estre, par l'exemple du Sieur de S. Colome auquel par anticipation l'Euesque d'Oloron oste l'afferme de la disme de Morlane quoy qu'il soit bon Catholique & Seigneur du lieu qui est estoigné de la demeure de l'Euesque de plus de six grandes lieues. Les Abaies & autres benefices que vous retiendries pour vous, & ceux que vous fairies tenir à vos chantres, ausmoniers, secretaïres, Valets de chambre & autres officiers de vos maisons iusques aux laquais & Palefreniers reuiendroient ilspas à vostre profit au sens qu'on le vous reproche?

Si vous me dites que non, i'auray grand peine à vous en croire, mais a le prendre d'un autre façon vous pourray ie bien accorder qu'il n'y auroit point de profit pour vous. I'ay leu quelquefois en l'Euangile que celluy qui gaigne tout le monde fait vne perte irreparable si avec ce gain il fait perte de son ame, n'ayant rien qu'il puisse donner pour rançon; si ceste main leuee abaissoit vos ames jusqs en enfer ie main-

tiens assëurement que ce ne seroit pas vostre profit.

Or ie croy que nous demeurõs d'accort que si vous abusiez des biens apres lesquels vous ahanez tant , & contre les preceptes de l'Euangile, arrests des Cõciles generaux, Et decrets de vos propres Papes , vous les employés a des vsages non seulement prophanes, mais impies vos ames prendroient le chemin d'enfer , qui vous seroit vn grand damage. Partant si ie puis monst-
 • trer que vous en vseriez comme ie viens de dire, nous
 • conclurrõs tous d'vne voix que ceste main leuee ne
 vous viendrait pas a profit . Pour leuer tout æquiuo-
 que ie prens pour chose hors de doubte que vous vsé-
 riez des biens que vous demandiez comme vous fai-
 tes de ceux que vous aués desia , ne pouuant compré-
 dre aucune raison de diuersité des vns aux autres, n'y
 • des affectiõs que vous auriez lors , a celles que vous
 avez maintenant. Car pour en auoir dauantage ie ne
 croy pas que vous en deuinsiez meilleurs, attendu que
 ce souhait mesme n'est pas bon, ne pouuant proceder
 que de vostre auarice qui est la racine de tous maux .
 Ven qu'ayans des biens a regorger , encores en pour-
 chassiez vous plus, bien dissemblables a S. Paul, lequel
 escriuant a Thimothee chapitre 6. vers. 8. qui estoit
 Euesque , luy dit qu'ayant la nourriture & de quoy
 puissions estre couverts cela nous suffira ; & tant de
 milliers de liures que vous avez chacun de rente au
 dela de ce qu'il vous faut pour le viure, & le vestemēt
 ne vous peuuent suffire les biens que vous possédez
 sont

font tous Ecclesiastiques voyons vn peu de bonne foy
 a quoy vous les emploiez; le dis ce qui vous en reste
 apres auoir nourri vos officiers, vos cometes, uos va-
 lets, & vos cheuaux, Agencé vos bastimens, comme si
 vous y estiez logez pour iamais, & leché vos sauces
 d'Allemagne & vos chinguarres comme si vous deuiés
 mourir le lendemain; apres que vous auez encores fait
 porter vos iambons de Basques & vos poinçons de
 vin de Iurançon a vos conducteurs & directeurs de
 Paris. Car dexiger de vous vne frugalité Apostolique,
 n'y la corruption du siecle, n'y la bonté de vos libe-
 ralles humeurs ne le permettent pas. Je sçay que vous
 n'estes pas instruiçts comme S. Paul, tant a estre rafa-
 siez qu'a auoir faim : Philip. 4. v. 12. tant a abonder
 qu'a auoir disette aumoins depuis que vous estes de-
 uenus Euesques. Voyons donc a qu'oy vous auez em-
 ployé vos reserues. Lun en a achepté vn estat de ju-
 dicature au Pais de Soule pour l'aîné de ses nepueux
 marié deux ou trois niepces richement, donné trois ou
 quatre mille escus de mariage a laîsnee de ses bastar-
 des qu'il a retiree fort long temps avec son gendre en
 sa maison Episcopale, & peut on dire de luy ce que
 Dieu reprosche a son peuple ingrat. *Ils se sont assis pour*
manger & se sont levés pour iouer. Car de passer les nuits
 entieres au ieu des carthes, & des dez ne luy est pas
 chose extraordinaire, si ce n'est qu'il y a ceste differen-
 ce entre luy & ceux dont parle l'Apostre, qu'il ne se
 leue pas comme eux, qui peut estre s'exerceroient a

quelque ieu de force . Mais sans bouger de sa place ,
 préd sa recreatiō spirituelle assis sur le mesme siege &
 courbé sur la mesme table ou il a prins son repas cor-
 porel, & puis que la coustume est vne autre nature, &
 qu'il a fait mettier de iouer despuis ses ieunes ans, il
 faut estimer qu'il ne s'en laissera pas a berte , & ne se
 laissera non plus d'achepter des offices , & benefices
 a ses autres nepueux; colloquer le reste de ses filles, &
 pour l'amour qu'il leur porte leur donner autant qu'il
 luy sera possible, de freres & de sœurs, & par de nou-
 ueaux mariages fortifier leurs aliances. Quand a celui
 de l'Escar il a cella de commun avec son college qu'il
 employe le meilleur de son reuenu a l'acroissement de
 sa maison paternelle , qu'il orne de magnifiques bas-
 timens, trouue moyen d'y faire entrer les prez Eccle-
 siastiques, nespargne rien pour ses nepueux, moins en-
 core pour son frere, si bien qu'on peut dire de ces
 deux Euesques que pour mettre leurs parens au mon-
 de , ils sont tous deux sortis du monde , ou pour le
 moins en ont faict semblant . Pour le reste de sa vie
 celluy de l'Escar pratique mieux que son college ce
 magnifique Canon *si non casté tamen cauté*. Cest a dire
 que si on ne vit chastement , au moins le faut il faire
 finement, & quand on le charge de quelque verité sur
 ce subiect il s'en deffend accortement disant que ce
 n'est pas son naturel : voila a plus pres les vsages les
 plus cōmuns, & plus notoires de leurs biens, desquels
 ie ne veux examiner que le meilleur , & le plus saint

qui est la subuention de leurs parents a la regle de l'E-
 uangile, & des Conciles par laquelle chacun pourra
 clairement iuger des autres. A la naissance de l'Euan-
 gile peu de iours apres la resurrection & ascension
 de nostre Seigneur, les fidelles esperans en luy se reti-
 roient en Ierusalem pres des Apostres, & pour auoir
 dequoy s'entretenir vendoient leurs biens, en apor-
 toient l'argent au pied des Apostres, Act. 2. vers. 4. du-
 quel les disciples viuoient en comun & ce qui leur
 restoit estoit employé à l'entretien & nourriture des
 pauures, à la discretion & iugemēt des Apostres qui
 en estoient les dispensateurs, & pratiquoient en ceste
 distribution tant l'exemple de nostre Seigneur, qu'ils
 auoient veu nagueres excercer charité des biens qui
 luy estoient mis en main par les fidelles qui le sui-
 uoient selon les moyēs que Dieu leur auoit donné, que
 ce qui leur en estoit interieurement suggeré par le S.
 Esprit qui les conduisoit en toute verité; Cest ordre
 dura parmi les Apostres iusques à tant que le nombre
 des fidelles tant pauures que riches venant à croistre
 eux ne pouuant plus suffire à prescher la parole & ser-
 uir aux tables de leur consentemēt l'Eglise choisit sept
 Diacres act. 6. ausquels ceste charge feut commise a-
 pres qu'ils leur eurent imposé les mains: cōme nostre
 Seigneur auoit semblablement choisy vn des douze
 pour porter la bourse, & faire les prouisions & distri-
 butions necessaires à l'entretien de luy, de ses Ap-
 ostres, & des pauures qui le sui-uoient. Or nous ne trou-

uons point que nostre Seigneur n'y les Apostres ayent fait aucune reserue de ces biens, pour en enrichir leurs parens, n'y mesmes leur donner dequoy viure honestement pour tout le reste de leur vie, ainsi qu'il se peut facilement recognoistre par le soing special que nostre Seigneur eut de sa Meré sur le point qu'il aloit rendre son ame estât desia attaché sur la croix, laquelle il recommanda tellement à son disciple bien aymé que dez ceste heure, le disciple la reçoit ches soy pour l'y nourrir & entretenir, ainsi que nous apprend S. Jean 19. chap. de son Euang. v. 26. & 27. qui monstre qu'encore quelle feut issue de la tribu de Iuda, & famille Royale de Dauid, neaumoins n'y la cōdition de sa n'aissance, n'y les auantages quelle auoit reçu de son fils durant sa vie ne luy auoient point donné des biens terriens autant qu'il eut fallu pour en pouuoir cōmodement viure ches soy : Aux autres Eglises ou l'ordre ne feut pas ainsi establi les Apostres ont par foix prins l'enrretien que les fidelles leur ont donné pour viure & se vestir tant seulemēt, quelquefois pour les soulager mesmes de ce peu de despence, ils ont travaillé de leurs propres mains aux mestiers que leur premiere profession Act. 20. ver. 34. 35. leur auoient aprins & continué tousiours auecques soing la predication de la parole & administration des Sacramens, Par trait de temps l'Eglise commençant a posseder des biens fonciers la distribution principale en estant par deuers les Euesques & Diacres on cōmença

d'en assigner à chacun sa cōuenable part, en telle sorte neaumoins que ce qui fust assigné aux Euesques fust pour en viure sobrement & en nourrir & entretenir les pauvres, avec deffence expresse d'en faire leur profit particulier, d'en enrichir leurs domestiques, leurs proches, leurs freres, & leurs enfans non pas mesme du reuenu, ainsi qu'il est expressement porté par le 25. chap. du 2. Cōcile d'Antioche qui fust tenu l'an 344. apres nostre Seigneur par (ou il faut noter en passant que le mot d'enfans monstre qu'en ce temps les Euesques estoient mariés attendu que le mot prins en sa vraye signification s'entend des legitimes, & que le Diable ne leur auoit point encores donné des bastards) & afin qu'il ne semblast qu'on voulut despoiller les Euesques de toute sorte d'humanité enuers leurs proches, il est porté par le chap. 12. du 2. Concile de Nicæe qui fut tenu l'an 788. que si leurs parens sont pauvres ils les pourront subuenir comme a des pources & cest ce que dit S. Ambroise en la 33. Epistre de son Cinquiesme liure que l'Euesque n'a rien qui ne soit des pauvres ce que les Papes Geluse & Gregoire ont confirmé par leurs decrets, 16. quest. 3. 12. quest. 2. & le dernier de leurs Conciles qu'ils viennent tout freichement de jurer & signer, ie dis ce tant renomé Concile de Trente au premier Canon de la session premiere, apres auoir reitaré les precedentes deffences adiouste ce qui s'ensuit. Et mesmement le S. Concile admoneste tant qu'il peut qu'ils ostent du tout ceste

humaine affection enuers leurs freres, nepueux, & proches parens charnels: d'ou est venu le seminaire de plusieurs maux en l'Eglise.

Je conclus donc avec S. Hierosme que vous apropiant ce qui est aux pauvres, ou le donnant a vos parens: vous commettez sacrilege & mangez & beuvez vostre condamnation, qui seroit d'autant plus grande que plus vous en prendriez sur eux quand vous auriez la main leuee, laquelle vous tournant a surcroist de peine ne vous reuiendrait point a profit ains vous apporterait vn damage manifeste. Encore d'un autre facon vous pourroit elle bien nuire: Car nous voyons a descouvert que vous maintenez avec les Estats de France que vous auez embouchez, que les biens qui sont en la main du Roy sont employez a l'entretenement des Ministres, d'un college & seminaire pour le Ministère & autres vsages que vous appelez prophanes, & en demandez reformation & que le tout vous soit rendu, par ou vous nous faites clairement comprendre que vous nous voulez oster tout exercice de religion en nous ostant le moien d'auoir des pasteurs & les entretenir, & ne sçay ie encore si apres nous auoir despouillez de nos charges, & priuez de la liberte de pouuoir publiquement inuoyer nostre Dieu, vous nous voulez laisser la demeure dans le pays ou si vous nous voulez traiter en Bearn comme l'on a traite les Morisques en Espagne ainsy que quelques predicateurs des plus hardis ou peut estre inconsideres

d'entre vous ont fait retentir dans leurs chaires parmy nos circonuoisins, ou si vous en voudriez encore vser a la façon que l'armee inuincible d'Espagne auoit iuré de traiter l'Angleterre, ou elle deuoit indifferement tuer toute sorte de personnes iusques a laage de sept ans & rendre esclau tout ce qui seroit au deffous les aiant flestris au visage, si les vents de lire de Dieu neussent atiedy leur cholere dans les ondes de l'Ocean; dont plusieurs d'entre nous vous croient fort capables considerans que vous ne nous pouuez souffrir n'y dās vos temples, n'y dans vos cemitieres apres la mort apres laquelle nous ne scaurions mordre, & neaumoins vous y souffrirez bien les charognes des chiens, & des cheuaux si par hazard on les y auoit enseuelis & ne nous metriez point en peine de les faire transporter hors de la n'y faire des reconciliations nouuelles, ne tenant point que le lieu en eut esté polué, comme publiquement plusieurs de nous ont ouy maintenir a l'Euesque de Lescar lors qu'il poursuiuoit le desenterrement d'un des nostres fait du commun cōsentement de tout le peuple du lieu dans le temple de Castetpugon si bien que si vous nous estimez moins que chiens apres la mort, nous auons occasion de croire que vous nous estimez bien pis que chiens enragez en la vie; que si vous nous supportez, cest pour ne pouuoir faire autrement, mais si la comodité s'offre de vous en defaire que vous ne la perdrez point. Cest pourquoy nous sommes resolu d'y prendre garde & duser du

droict que Dieu & la nature nous dōne, les biens & l'exercice de la Religion que nous possedōs nous sont plus chers que nos vies, c'est pourquoy nous les defendrons au hazard dicelles toutesfois & quâtes que vous entreprendriez de les nous oster, comme vous cōmencez à faire. Celuy qui nous deffend le meurtre nous deffend aussi biē d'estre meurtriers de nous mesmes, que d'autruy; & y a plus de mal à se tuer ou se laisser tuer soy mesme, qu'à tuer celuy qu'autrement nous ne pouuons empêcher de nous tuer. Il nous est mesme permis de preuenir nos assaillans, & n'attendre pas qu'on nous ait donné le coup. Cest pourquoy si vous nous pressiez dauantage vous nous porterez aux extremités & ce ne sera pas vostre profit, & quand ce ne seroit pas aussi le nostre tousiours aurōs nous c'est aduantage que le droit est de nostre costé, & pour vo^r le faire clairement comprendre, considerons vn peu sans passion si nous en sommes capables, ce que vous possédez dans lestat & ce que nous y possedons, & a quel tiltre chacun de nous le possède, & vous verrez fort clairement que si vous n'estes contens & qu'il en arriue du mal le tort sera de vostre costé. Or pour bien comprendre l'affaire il le faut prendre vn peu de loin. Vous scauez que du temps de nos peres la desolation estoit si grande en l'Eglise de Dieu, que le seruiteur estoit mis en la place de son Maistre, auoit batu, frapé, & chassé ses compagnons de seruice qui ne s'estoient voulu assubietir à luy & comme si son Maistre feut si loing

loing qu'il ne deult iamais plus reuenir en la maison & surpoit orgueilleusement sa puissance, ostoit & donoit à son gré les Royaumes de la terre, ouuroit & fermoit les portes d'enfer & de Paradis, non auec les clefs ministerielles que le Maistre auoit laïssées en la maison, mais auec les clefs d'autorité & de puissance qu'il luy auoit expressement deffendues & pour se maintenir en ce credit auoit changé tout l'estat de la maison du seigneur, rendu sa parolle barbare a ses domestiques ne la leur laissant proposer n'y de bouche n'y par escrit qu'en langage incognu a peine de feu & de la corde luy aiant delguisé les Sacrements qui sont les seaux de ses promesses, corrompu & mutilé tellement l'un & le plus frequent, & ordinaire que suiuant le dire mesme d'un de ses predecesseurs il l'auoit du tout rendu inutile, ayant separé la coupe d'auec le pain comme la paillardie de Salomon eut rendu l'enfant inutile a toutes fonctions humaines s'il eut esté mis en deux parts suiuant son intention, despouillé nostre seigneur de son office de redempteur & intercesseur, mettant la vierge & les saincts en la place l'appellât Reyne du Ciel & disant que Dieu le pere luy auoit donné la misericorde & s'estoit reserué la iustice faisant inuoyer les Saints trespassez & de plus encore leurs images faites de bois & de pierre asises es temples du Seigneur, pour estre le liure des ignorans & les precepteurs des idiots, elles qui neurent iamais n'y entendement n'y parolle, apres auoir pour ce faire raïé du decalogue un des dix cō-

mandemens qui deffendoit tous ces ouurages, deffen-
 du l'vsage des viandes & le mariage entre tous permis
 & ordonné de Dieu. Et ne se cõtendant pas de se van-
 ter de pouuoir dõner gratuitement des pardons a qui
 bon lui sembloit, pour monstrier que ce qu'il s'attri-
 buoit n'estoit point des dons de Dieu qui ne s'acqui-
 rent point par argent s'aduifa de tenir banque de ses
 pardons & indulgences & d'enuoyer ces facteurs en
 faire le debit aux plus renommées & pecunieuses pro-
 uinces de son Empire, lors qu'arriuant en Alemaigne
 Dieu regardant d'un cœil de compassion les brebis de
 son heritage poussa la voix de l'un de ceux qu'il lui au-
 uoit ordonné pour guettes avec vne telle efficace, con-
 tre ceste Tyrannie spirituelle qu'elle fut entendue de
 plusieurs princes Chrestiens, qui reuenant du profond
 sommeil dans lequel le vin enyurât de ceste paillarde
 Romaine les auoit longuement assoupis cõmencerent
 à rechercher le liure de la loy du Seigneur qui auoit
 esté longuement caché dans les monceaux des langa-
 ges estranges, comme du temps de Iosias, Chron. 33.
 à l'exemple duquel ils reparerent le tẽple du Seigneur
 & renouellerẽt leur aliance avec lui pour eux & pour
 leurs peuples & a l'exemple de Iosaphat Chron. 2. &
 Ezechias Chron. 30. 31. benits de Dieu abatirent les
 hauts lieux briserent les idoles & establirent par tout
 des Sacrificateurs & Leuites qui fĩsẽt les sacrifices &
 solemnisassent les festes establies de Dieu, cest a dire
 de bõs & fidelles pasteurs, qui anõçassent la parolle de

Dieu & administraſſēt les Sacremēs ainſi qu'il a ordō-
né par la bouche tant ſienne que de ſes Prophetes &
Apoſtres, reſectant au loing toutes les ſuperſtitious &
noueautez que l'Eſprit derreur y auoit introduites
pour en chāger & peruertir l'usage, ayant pour guides
en ceſte ſainte reſtauration de l'Egliſe ceux que Dieu
s'eſtoit reſeruez de reſte parmi ce nombre inomi-
brable de Moines & de Prieſtres qui auoient la vogue
en ce temps, ſans auoir ſouffert qu'ils euſſent entiere-
ment & ſans reſerue flechy le genouil de leurs cœurs
deuant le Baal de Rome comme nos premiers Empe-
reurs Chreſtiēs à l'aide des Paſteurs de l'Egliſe qu'ils
aſſemblerent en Concile retrācherent les damnableſ
erreurs des Arriens, Macedoniens, Neſtoriens, Enty-
cheens, & autres Heretiques du milieu de l'Egliſe.
Entre tous les Princes qui trauaillerent heureuſement
à ce ſaint ouurage en tous les endroits de la Chreſti-
enté, noſtre genereuſe Princeſſe la Reyne Ieanne de
glorieuſe memoire feut vne de celles qui receut &
plus de zele, & plus de faueur & aſiſtance du Ciel en
l'execution de ſon deſſain. Car ayant recouuré & ſa
liberté & ſon païs des mains de ſes ennemis elle eſta-
blit le pur ſeruice de Dieu en toutes les terres de ſon
obeiſſance, & en bannit tout autre ſeruice non ſeule-
mēt de ſon authorité Souueraine, mais meſme du gré
& cōſentemēt, voire à la requiſition de ſes Eſtats Ge-
neraux de Bearn, dont il fut fait vne loy fondamentale
qui oblige reciproquement le Prince & ſes ſucceſſeurs

enuers son peuple, & le peuple enuers son Souuerain
 Seigneur. Car cest vne des cōditiōs ausquelles les Be-
 arnois ont cy deuāt esleu & tousiours recogneu leurs
 Souuerains Seigneurs qu'ils les entretiendrōt en leurs
 coustumes, & n'entraindront rien de ce qu'ils auront
 accordé ou eux ou leurs Lieutenans à la requeste des
 Estats Generaux legitimemēt assemblez. Or entre les
 principaux points de ceste reformatiō, feut l'employ
 des biens Ecclesiastiques à leur vray & ancien viage,
 sçauoir l'entretien des vrays & fidelles Pasteurs, des
 pauvres & des Escholes; Et d'autāt que la bōne me-
 nagerie des Ecclesiastiques auoit attiré à soy la plus
 grand part du reuenu de l'Estat, ce qui restoit les sus-
 dites charges acquitees estoit employé aux plus vrgēs
 affaires qui se presentoiēt, & en fin du viuant du feu
 Roy Henry le Grād feut par le feu seigneur de Miol-
 sens lors son Lieutenant General destiné à porter les
 charges de l'Estat, & le tout mis soubs la main du
 Roy, qui iusqu'à lors auoit souffert que ce bien eut esté
 comme en main tierce, administré par le Senat Eccle-
 siastique composé de gens de tous ordres: depuis sadi-
 te Majesté nous continua l'entretien de nos Ministres
 & Escholiers iusques à ce que par la malice & enuie
 de quelques vns d'entre nous il en feut fait vn grand
 retranchement, apres l'introduction de la Messe & des
 Euesques dans ce pays qui feut faite par le feu Roy
 Henry le Grand de nostre tacite consentement à la
 charge qu'il ne nous seroit rien osté de nos droicts, &

que les Euesques, & tous les Catholiques se contente-
 roient de ce qu'il leur auoit esté attribué par ce premier
 Edict, qui estoit l'exercice de leur religion en douze
 lieux & en outre en toutes les paroisses de patronage
 lay, dont les patrons seroient Catholiques, avec puis-
 sance d'estre admis à toutes charges publiques, sans
 aucune distinction de religion, protestant la Majesté
 de nous tenir tous également pour ces bons & fidel-
 les subiets, & de traiter ceux de la Religion de Bearn
 avec la mesme cōsideration en Bearn, que les Catho-
 liques en France, pour vn asseuré tesmoignage de cetté
 égalité d'affections, qui ne pouuoit paroître autre-
 ment, attendu que nous estions en possession de tou-
 tes les charges & de l'estat, & de tous les autres aduan-
 tages que nous tenions depuis quarante ans comme
 les Catholiques en France. Depuis ce premier Edict
 vos importunitéz à l'endroit de sa Majesté, & Messie-
 urs les Euesques, & nos facilitez à croire, qu'ayant vn
 peu plus de contentemēt vous nous laisseriez en paix
 pour y demeurer vous mesmes, nous ont reduit à ce
 point que des biens Ecclesiastiques qui sont pour la
 plus grand part les premices & les dismes de nos
 fruiets, & de nos bestiaux, dōt l'usage à esté legitime-
 ment & fauorablemēt pour nous repurgé de vos abus
 & remis en l'estat de sa premiere institution, vous en
 possédez aujourd'huy beaucoup plus que nous, & re-
 muez ciel & terre au preiudice de la trāquilité du païs
 pour no^r oster le reste au hazard mesme de l'estat, &c

de la Souueraineté que nos predecesseurs ont avec tât de soing conserué depuis plusieurs siecles sans auoir esgard n'y à vos promesses, n'y au sang duquel vous serez cõtables deuant Dieu si vous poussez plus auant vos dessains. Pour preuue de mon dire les Euesques ne sçauroient nier qu'ils nayët tous deux plus de trente & six mille liures de rente, qu'il n'y ait en Bearn plus de trois cens benefices de patronage lay, a tous lesquels il y á des Prestres presentez & que chacun de ces benefices lun pourtant lautre ne vaille deux cens liures de rente, qui sont soixante mille liures. Ainsi ce qu'eux & les Prestres prennent en Bearn ne reuient a guieres moins de cent mille liures, au lieu que nous n'auons que soixâte Ministres & quelque peu de Diacres entretenus, les gages de tous lesquels ensemble ne montent pas tant, si on veut prendre la peine de le verifier sur l'estat, cõme le reuenu des Euesques seuls; ainsi ils ont soixante mille liures pour le moins plus que nous sur les biens qui sont proprement a nos Eglises suiuant leur premiere institution, confirmee par la loy fondamentale & inuiolable, faite par la Reyne Jeanne & ses trois Estats, sans encores y comprendre ce que les Euesques & autres beneficiers estrangers y possedët qui monte plus de vingt mille liures, que s'ils nous disent que le College, la garnison de Nauarrenx & mesmes vne partie des gages du Lieutenant General, du Conseil ordinaire, & autres officiers du Roy qui sont tous de la Religion, sont prins sur ceste na-

ture de deniers, le leur respondray que tout cela ce sont des pieces qui leur sont cōmunes avecques nous que leurs enfans profitent aussi bien en nostre College que les nostres. Que Nauarrenx leur est retraite aussi facile & asseuree que a nous en cas de necessité, que le Gouverneur & Lieutenāt General les apuye, & maintient, aurāt & iusques icy plus qu'a nous, le Conseil & les autres officiers, de mesmes, & quand il les faudroit tous conter pour nous, ce que non, encores tous leurs gages joints ensemble n'egaleroient pas le reuenu des Prestres, ainsi voila ceux qui ne font que rentrer chez nous par composition & sous promesse de se cōtenter d'une petite portion qui nous ont desia rai le meilleur & auancent les pieds & les mains pour se ieter sur ce qui nous reste, si nous les poussons doncques pour les faire reculer, si mesme le hurt est si ferme, que l'un de nous, ou tous les deux tombions en fin à la renuerse qui est celuy qui aura cherché la noise & qui par consequent sera coupable du mal deuant Dieu & deuant les hommes? Ne sera ce pas ceux qui par vne societé leonine nous veulent faire acroire que leur portion legitime s'est le tout? que nous sommes des enfans bastards qui n'auons point part a l'heritage, lequel nous possedons à iuste tiltre, depuis si longues annees. Et qui pour nous rompre la foy interuenue sur nostre partage nous vont decriant, pour heretiques, par la probation freschement faite du Concile de trente qui nous calomnie d'estre tels, essu-

yans ainsi leur pariure par vn crime de leze Majesté qui consiste en ce qu'ils offencét les officiers du Prince qui constituent vne partie de son corps l. quisquis C. ad l. Iul. mai. & reçoient ce Concile qui preiudicie grandement aux droits du Roy tant en Bearn qu'en France. Nous esperons que sa Majesté vray heritier des Royaumes & vertus du grâd Henry son Pere pour le premier entre les Roys qui ont porté le nō de Louys meriter le surnom de grand, ainsi que son predecesseur entre ceux qui ont porté le nom d'Henry suiura le chemin qu'il luy a heureusement & le premier tracé pour luy & ses succeffeurs, de faire que ces subiects soubs pretexte de Religion ne tachent point deiamber par trop les vns sur les autres moins encore de s'instruire reciproquemēt en la crainte de Dieu a coups de Canō ou a coups d'espee, mais faire à l'enuy les vns des autres, à qui mieux seruira son Dieu & son Roy chacun en sa Religion, qui l'oblige à ce faire mesme pour la conscience, & pour faire cesser toutes deffiances, animositez & preparatif au mal qui les vigoureuſes pourſuites que les Euesques ont fait iusques icy & celles que ceux de la Religion se disposent à faire ont fait n'aistre & pourroient faire croistre dedans & dehors le païs, au preiudice du repos de son peuple au bien duquel consiste son seruice, s'il ne luy plaist de nous rēdre le nombre ancien de nos Ministres & Diacres, de nos Escholiers, Regents, & Professeurs, & le droit de presenter des escholiers à nos pre-
senta-

sentations, dont nous auons esté depouillez, à tout le moins nous laissera il en l'estat que nous sommes, sans permettre qu'il nous en soit rien retranché pour estre donné a nos parties, on nous permettra de rechercher les remedes dempescher leurs poursuites & fauoriser les nostres tels qui se pourront honestement trouuer. Ne craignez point Sire les scrupules de conscience qu'on voudroit vous dōner sur ce subiect, que vous ne pouuez en conscience retenir le bien de l'Eglise. Le feu Roy Henry le Grand estoit aussi instruiet es cas de conscience qu'aucun de ses predecesseurs, & neau moins il n'en a point fait difficulté. Tous les Roys de France vos predecesseurs & vous mesmes prenez des decimes sur des Ecclesiastiques de France pour maintenir vostre Estat, pour lesquelles paier les Euesques & tous Ecclesiastiques tant seculiers que reguliers sont quelquefois contrainsts de vendre leur temporel au lieu que ceux de Bearn tirent sans hazard plus que ne vaut le reuenu de leurs Eueschez, comme ils cōfessent eux mesmes. Ainsi leur condition est meilleure que de ceux de France, & leur vaut mieux que vous reteniez ce qui est desia en vos mains par les loix fondamentales de l'Estat de Bearn, que de leur rēdre pour n'en auoir pas eux mesmes tant, apres que vous leur aurés rendu, & par ceste reddition vous faire violer les loix du pais, renuerser l'Estat diceluy, & porter vos subiects au coupe gorge ou vous mesmes à nous exterminer, avec beaucoup de hazard pour eux & de

pertes pour vostre Majesté en la ruine de ses fidelles seruiteurs. Cest dequoy nous esperôs que vostre Majesté fâira conscience, & conseruera en l'estat qu'elle a trouué ses treshûbles & tresfidelles subiects de la Religionen Bearn qui apres Dieu ne recognoissent autre dominatiô n'y puisâce Souueraine que celle de vostre Majesté pour le maintien de laquelle ils hazarderont tousiours leurs vies avec beaucoup de contentement & d'alegresse quand il vous plaira leur commander.

LES EUESQUES

Quand a la demande de la main leuee, il est trop manifeste que lesdits Euesques ne la font pour esperance qu'ils aient d'en acroistre leur reuenu, veu qu'il est certain & notoire que les affermes de leurs Eueschez, ne sçauroient monter, toutes charges portees & deduites, a plus haut de ce qu'il leur a esté cy deuant ordonné & dont le Roy les fait iouir par forme de pension, sans qu'ils courent le hazard des gresles & autres cas fortuits.

LE SURVEILLANT.

Loué soit Dieu qu'aumoins parmy tant de deguifemens en verité leur eschape, que ce dont ils iouissent sans hazard monte autant que le reuenu de leurs benefices; & ne deuriez vous donc pas Messieurs les Euesques benir d'un autre façon la glorieuse memoire de l'invincible Henry qui vous a donné ces biens, & le doux gouvernement de sa Majesté, qui vous y maintient paisibles, & tous les deux ensemble de ce

qu'ils ont daigné traiter les Euesques de Lescar & Oloron, qui sont aujourd'huy cettui cy fils d'un hof-
telier du pays de Soule Euesque sans science n'y con-
science, Cettuy la petit fils d'un paisan de Serres hõ-
me du Seigneur de Podenx, a lesgal des anciens Eues-
ques d'oloron, & de Lescar Princes, pour la plus part
des maisõs de foix & de Nauarre, ou gës de gråd & ra-
re sçauoir & merite, hors du cõmun en toutes sortes

LES EVESQVES.

Mais le profit de ce costé la sera pour lesdits Ca-
tholiques d'autant qu'ils y seront nourris & entrete-
nus Spirituellement par leurs Curez, qui leur adminis-
treront le saint Sacrement lors qu'ils iouyront de ladi-
te main leuee. D'ailleurs plusieurs enfans desdits Ca-
tholiques qui ont esté instruits aux bonnes lettres, &
qui ne peuuent pretendre aux charges de iustice n'y
autres temporelles dont ils seroiët capables, les choses
demeurant en l'estat quelles sont d'autant que ceux
de ladite Religion reformee en estant saisis les empe-
schent d'y paruenir, pourront par le moyen dudit res-
tablissement & main leuee, s'adonner à la profession
Ecclesiastique: & parainfi ladite main leuee reuiendra
tousiours au profit desdits Catholiques, & non desdits
Euesques en particulier.

LE SURVEILLANT.

Les Catholiques ne manquent point de nourritu-
re spirituelle n'y leurs enfans de benefices, si les Eues-
ques y aportent ce qu'ils doiuent, mais fournissant les

Chanoines, eures & tous autres benefices de Basques & autres estrangers qui les tiennent qu'asi toutes ils ne donnent pas grand esperance à ceux du pais qu'ils feroient mieux quand ils en auroient plus.

LES EUESQVES.

Et en ce qu'on demande que les charges tant de Justice, que Militaires & des Finances, soient donnees ausdits Catholiques en retranchant doreinauant toutes resignations & suruiuanes en faueur de ceux de ladite Religion pretendue reformee pour le moins iusques à ce que lesdits Catholiques y soient en pareil nombre que les autres: Il est aussi notoire qu'il n'y va rien du profit particulier desdits Euesques: Mais les Estats qui ont dressé l'article ont à bon droit estimé ceste demande non seulement raisonnable, mais aussi necessaire, pour la conseruation de la paix, & tranquillité audit pais, & pour assoupir les animositez, ialousies & indignations, que tant l'exclusion desdits Catholiques, que le peu d'estat qu'on y fait deux, & le peu de cognoissance qu'ils y ont de la direction & conduite des affaires, y fait naistre & entretient de iour en iour.

LE SURVEILLANT.

Sil y va en cest article du profit particulier des Euesques ou non ce n'est pas chose qui ne se puisse, veuleur adressé a tirer profit de toutes choses. Mais que la demande ait pour but la conseruation de la Paix & tranquillité publique l'assoupissement des animositez,

jalouſſies, & indignations que leſtat preſent des Ca-
 tholiques y fait naiſtre & entretient tous les iours à ce
 qu'ils diſent, Ceſt ce que ie ne puis comprendre, &
 me ſemble qu'ils parlent en ceſt article le langage de
 leur Souuerain Seigneur & Maſtre le Pape, qui l'apel-
 le ſeruiteur des ſeruiteurs de Dieu lors qu'il cōmande
 abſolument à ceux que Dieu lui a eſtablis pour Seig-
 neurs; Auſſi ceux cy, lors qu'ils ſement parmy nous
 l'yuroye de diuiſions, defiances & haines irreconci-
 liables nous vont diſant que ceſt pour aſſoupir nos a-
 nimofitez ſi bien que pour les entendre il faut deſor-
 mais prendre leurs parolles à contre ſens. Qu'ainſi ne
 ſoit qui ſera l'homme de ſain iugement qui ſe puiſſe
 ſeulement imaginer que celui qui aura receu ſa charge
 de ſa Majeſté en conſideration des ſeruices de ſes pre-
 deceſſeurs, ou ſiens propres, qui l'aura exercee lōgues
 annees, avecques ſoing, fidelité & diligence, pour vn
 iour la tranſmettre à ſon enfant ſoubs le bon plaſiſr
 de ſon Prince, & pour y paruenir n'aura eſpargné, n'y
 ſa perſonne, n'y ſes biens qu'il aura chargé de deſpen-
 ces extraordinaires, pour l'eſleuer en telle ſorte qu'il
 puiſſe autant ou plus honorer ſa charge qu'eſtre ho-
 noré par icelle, n'ayant eſperé n'y ſouhaité autre recō-
 penſe de la fidelité de ſes ſeruices, que la faueur d'vne
 reſignation, puiſſe viure en paix avec ceux qui ſur le
 point qu'il penſe cueillir le fruit de ſes labeurs, en ſe
 deſpouillant doucement de ſa charge pour viure &
 mourir en repos apres en auoir reueſtu ſon ſils, & ſon

tifié sa famille & sa maison veulent tellement couper
 les nerf de la liberalité du Roy, qu'il soit contraint de
 faire mourir son officier dans sa charge, cōme vn for-
 çat dans sa galere, avec ce regret de la voir mourir en
 la famille sans esperance de ressource n'y pour soy n'y
 pour les siens. Qui pourra croire que ceux qui posse-
 deront des charges à ceste condition puissent sans des-
 fiance legitime souffrir la hautesse de ceux qui par E-
 dict se seront faits declarer ses successeurs? Que si la-
 nimosité & defiance se sont vne fois fourrees parmi
 les particuliers de qu'elles pieces pensez vous y pou-
 uoir entretenir la paix publique, non non messieurs
 cest trop leué le masque à vos pretétions que d'auoir
 fait & publié ceste demande qui nous oblige tout à
 fait à penser a nous & a commencer par la grace de
 Dieu à reueiller nostre lethargie, si bien que desor-
 mais vous nous trouuerez opposants a vos iniustes
 poursuites en biē autre posture & d'une autre façon q̃
 n'avez fait par le passé? Vous avez esbranché nostre
 petit estat nous l'auōs souffert pour le bien de la paix,
 nous voyons que cest ce qui nous mene à la guerre,
 que vous haussiez la coignée pour couper le troncq à
 la racine; Il nous faut auoir des Clytes contre tels Spi-
 Plutarq. thridades, Cest pourquoy nous sommes re-
 voyez la solus d'en auoir. Car nous voyōs bien qu'ou-
 vie d'A- uertement vous voulez faire rentrer vos pa-
 lexand. roisiens dans les charges publiques que nous
 possedōs, non par la porte ordinaire mais par la bres-

che! mais par la ruine de nous & de l'estar, & pour les
 acharner sur nous & leur esleuer le courage vous les
 preschés de leur nombre & leur allez persuadant que
 vous estes trente pour vn. Mais cōme vous vous trom-
 pez en vostre conte aussi nous prometons nous que
 vous vous tromperez en vostre dessain il fait mauuais
 surprendre ceux qui ont Dieu pour leur garde & qui
 sans autre denombrement de leurs forces charnel-
 les sçauent qu'il est prou puissant pour seul les ga-
 rentir contre tous vos efforts, & faire que les pointes
 de leurs pieds soient sur vos talons, leurs mains sur vos
 collets ainsi que d'autrefois, s'asseurant qu'il fera que
 leur frayeur sera sur vous, que dix d'entre eux en pour-
 suiuront cent des vostres, cent en poursuiuront mille,
 & mille en poursuiuront dix mille, qu'ils possederont
 vos portes; & vous cōfondront en iugement, pourueu
 que de tout leur cœur ils se cōuertissent à luy, comme
 ils s'assurent qu'il leur fera la grace de faire, pour le
 seruir & honorer & ce faisant rendre à leur Roy & à
 leur patrie le seruice & fidellité de laquelle ils ne se
 sont jamais departis. Ne vous appuyés pas tant sur le
 grand nombre ores qu'il fut de vostre costé, à parler
 mesmes charnellement comme vous parlez ce n'est
 pas vn si grand rempart comme vous vous estes persua-
 dez; le grand nombre n'est non plus la cause du gain
 des victoires es grandes & importantes batailles que
 vne des marques essentielles de l'Eglise es disputes de
 la Religion: Lisez les Conquestes de Iosué, les com-

bats de Gedeon, & Dauid, ou si les prophanes vouſ
 plaisent plus, voyez les trois batailles d'Alexandre le
 Grand contre Darius Roy de Perse, celle de Cæsar
 deuant Alexia contre les Gaulois, son passage en Ita-
 lie avec cinq mille cheuaux & la deſſaite de Pompee
 dans les plaines de Pharsalle, les victoires de nostre
 Grand Henry à Coutras, Arques, Iury, & fontaine
 Françoisse, & trentecinq autres rencontres d'armees,
 trois cents sieges de places & cent quarante combats
 auxquels il à cōbatu de sa main & vaincu ses ennemis,
 & vous verrez que le grand Dieu des armees ne dis-
 tribue pas ses victoires a ceux qui ont plus de gens de
 leur coſté. Que si vous pensez que l'heur incōparable,
 & la valeur nōpareille de ces inuincibles Monarques
 ait comme obligé sa bonté à se ietter de leur parti,
 souuenez vous de vos folies passees & vous trouuerés
 que pour secourir les siens il ne permet iamais que
 laudace d'vn grād nōbre l'emporte sur la iuste deffen-
 ce d'vn moindre. Quād vos predecesseurs eurent con-
 traît la feu Rēyne Ieāne de quitter le Bearn & s'en aler
 a la Rochelle pour eüiter la mort ou honteuse prison
 qu'ils luy auoient preparee, qu'apres sa retraite ils eu-
 rent assiegé Nauarrenx & mis tout le reste du pays en
 l'obeissance de ses ennemis en vn tēps que le parti de
 la Religion estoit merueilleusemēt afoibly en France
 par la perte de trois ou quatre batailles, vne poignée
 de gens ramassez qui ça qui la, par le Conte Montgo-
 meri entre les armes de deus grands & vaillants Ma-
 reschaux

reschaux de France les Sieurs Danuile gouverneur du Languedoc depuis Conestable de France & de Montluc Lieutenant pour le Roy en Guyene, passerent comme vn esclair de Castres en Bearn à trauers les valees, riuieres & ruisseaux du Bearn droit a Nauarrenx mirent la ville en liberté, prindrent le chasteau & ville d'Orthez avec tout le reste du pais, les Canons & les chefs des ennemis en trois iours, & chargez de leurs despoilles se rendirent victorieux dans l'armee des Princes, nonobstant les entreprinse de ces deux puissans ennemis desquels les forces coniurees à leur ruine ne sceurēt empêcher leurs dessains; si bien que Monsieur de Montluc en ses memoires est contrainct de dire que la venue de Montgomeri en Bearn est vn coup du Ciel, fait contre toute apparence de raison humaine, que sa conqueste semble estre vn songe & qu'il faut confesser que de toutes nos guerres il ne s'est fait vn plus beau trait de guerre que la prinse de Tarride & de tout le pais. Et depuis encores sur ceste mesme querelle le feu Baron d'Arros avec fort peu de Noblesse, & quelques gens de greffe & de pratique qu'il auoit armez & montez à la haste dans la ville de Pau, print dās le Chasteau de hagetmau vn de pl^o grāds & plus qualifiez Seigneurs du pais accōpagné de la fleur de la Noblesse de Bearn, des Lādes, & Chalocce, le bras de ce grād Dieu qui fauorisa lors nos armes n'est pas maintenant racourcy, n'y retiré de nous nostre parti n'est pas Dieu merci si foible en France, ni au reste de

la Chrestienté comme il estoit lors. Il a depuis gagné plusieurs batailles & grandement affermi son estat, nous auons aussi bon droit, autât de courage, plus d'hommes, plus d'armes, plus d'argent, plus de places fortes, plus d'amis dehors, & plus de forces, & puissantes, & victorieuses forces, dans le païs, que nous n'auions en ce temps là: En vain nous venez vous donc dire que vous estes trente pour vn, ces menaçantes brauades ne nous sçauroyét donner tant de peur, que d'enuie de vous saccager, si nous n'auions l'ame loyalle, & charitable, & les affections attachees par des estroites amitez, & alliances auec tous nos concitoyens, desquels vous voulez aussi temerairement hazarder & les biens & la vie, cōme iespere que sans se laisser piper à vos specieux pretextes, ils le sçauront prudemment conseruer pour le seruice du Roy, & de leur patrie en de meilleures occasions, que celle, que vostre ambition, & auarice couuettes du manteau de religion leur presente maintenant par vos iniustes demandes. Que tout au rebours de vos intentions, vos pretentions seruiron pour les en diuertir, & desiller les yeux de ceux de nostre religion, qui pour des interres particuliers se sont ioints passionement à vos malicieuses poursuites, & ot taché d'empêcher toute sorte de resignations, & suruiuances, en faueur des parehs & aliez, quoy que fondees sur l'equité naturelle, & ordre establi par nostre grād Héry, qui sçauoit mieux que nous ce que nous auions besoing. Car s'ils se

donnēt le loisir d'examiner tant soit peu vos demandes ils trouuerōt qu'ils trauaillent auecques vous pour se ruiner, eux mesmes vous establir à vous & aux autres Euesques & Abbez vos confreres presidents au Conseil, & puis aux Estats, & se priuier eux & les leurs tant du rāg. qu'ils tenēt apresent ausdits Estats, que de toute esperāce de pouuoir iamais paruenir aux charges publiques, à tout le moins iusqu'à tant que les Catholiques Romains en possèdent la moitié sans qu'ils nous donnent aucune caution que lors les Euesques nous laisseront lautre, & ne nous iugerōt pas aussi indignes de tout comme à present de la moitié.

LES EVESQVES.

En quoy la patience desdits Catholiques est fort remarquable, pour faire cognoistre à vn chacun le desir qu'ils ont tousiours eu de viure en paix & tranquillité auec tout le monde: car estans comme ils sont pour le moins trente Catholiques pour vn de la Religion pret. ref. ils ont toutesfois souffert & enduré que toutes les charges principales, & mesmes celles des deux Syndicqs dudit pais, ayent esté occupees par ceux de la Religion pret. ref. sans parler de ce que le sieur de Marca n'a peu estre receu Conseiller audit Conseil, pour ceste seule cōsideration qu'il est Catholique & Ecclesiastique, quoy que par l'erection dudit Conseil faite en lan mil cinq cens dixneuf, il y doie auoir trois Conseillers d'Eglise, de mesmes qu'il y en a es Parlemens de France, laquelle consideration de Ca-

tholique à pareillement retardé l'auancemēt de plusieurs Catholiques en autres charges qui ont vaqué dans ledit pais ; Comme aussi à elle fait que ceux de la Religion pret.refor. ont resisté à l'esgalité des charges de Jurats accordée par le Roy en faueur desdits Catholiques, à la sollicitatiō desdits Euesques; lesquels apres tout, n'en ont raporté que de la peine, facherie, & despence en leur particulier, tant s'en faut qu'ils en ayent retiré du profit.

LE SURVEILLANT

Mais qu'eussiez vous fait par vostre foy si vous eussiez perdu patience, vous feussiez vous coiffez de vos chemises? Car d'entreprendre sur nous l'exemple du passé & la crainte du present vous en eut osté l'enuie; Vous auez doncques bien fait de prendre patience, quoy que force comme il apert par vostre discours, iugeant bien & sainement que le Conseil du Roy qui auoit souuent veu les mesmes demandes reietees par le feu Roy Henry le grand, se tiendroient a la resolution de ce grand politique, l'ordre duquel maintient encore ses Estats apres sa mort; qui scauoit mieux que nous mesmes & le nombre & le merite des vns & des autres qui nous eut a vn besoing designez tous par nos propres noms & surnoms, auquel vous n'auiez garde de conter ses bourdes que vous publiez maintenant, que vous estes trête pour vn & que neaumoins toutes les charges, mesmes celles de Syndicqs du pais soient entre vos mains quoy qu'elles soient electiues.

Car si vous dites verité qui vous a empechez lors que la place de Syndicq de la Noblesse a vacqué par le deces du feu sieur de Blachon, d'en nommer vn Catholique, & l'installer en la charge? Est ce que vous n'en aiez point de capables parmi vous? ou que vous n'ayes point eu l'adresse où la volonté d'en nômer des vôtres? que si cela est pourquoy vous en plaignez vous, prenez vous en a vous mesme qui l'avez ainsi voulu! qui l'avez ainsi fait, que si vous ne l'avez peu faire a cause de vostre paucité, permettez que de vos propres discours on tire la verité qui est telle. Que parmy la Noblesse, la Bourgeoisie, les gés de Robe, de finance, & de pratique, il y en a dix fois plus de la Religion que des vôtres; & tout ce que vous pouuez auoir de plus aduantageux en cest endroit est, que parmy le simple populaire qui naist & vit en ignorance mere nourrice de vostre religion, en laquelle il suffit a chacun de croire ce que croit son Curé sans scauoir quoy n'y quoy nô, le nombre peut estre esgal de part & d'autre tant par la negligence de nos Pasteurs, en quelques endroits, que malignité & auarice du peuple qui a mieux aimé fermer ses aureilles a la verité, que son chemin a la trafique d'Espagne. Pour vous le faire toucher a la main vous scauez bien que de soixante aduocats ou plus qu'il y a qui portent la robe au parlement de Pau, il n'y en a pas plus de six qui soient Catholiques, desquels la plus part ne font que venir de l'Eschole & n'ont encore atteint l'aage de vingt &

cinq ans, incapables par consequent des charges publiques; en tous les sieges des Senechaux vous n'en trouuerez pour tout que trois, sçauoir est deux a Oloron, & vn a Orthez. Aux autres il n'y en a du tout point. Quand a l'esgalité des Iurats vous vous en plaignez sans cause, veu que l'article de vostre cahier portant que la moitié, ou le tiers pour le moins seroient Catholiques Romains'a esté verifié au Conseil & executé si aduantageusement pour vous qu'ez lieux ou il s'est trouué aucun Catholique on la prins quoy que d'ailleurs de basse qualité, comme en la ville de Sallies ou a faute d'autres Catholiques on a prins vn mareschal qui demeure aujourd huy dans la ville d'Orthez, & neaumoins est Consul de Sallies, tant on a soin de vous contenter comme l'on peut, que pleust a Dieu qu'on eut pareil soin de nous en France, on verroit bien tost le presche aux fauxbourcs de Paris & autres villes de parlement, comme on voit la Messe aux fauxbourcs de Pau, & ceux de la Religion receus dans les parlemens, Conseils d'Estat & priué, & es charges d'Escheuins, Capitous, Consuls, & Maires des plus notables villes du Royaume sans aucune exception.

LES EVESQVES.

Vne chose cependant est a noter pour iustifier d'auantage leur poursuite, que de tout ce grand nombre de Catholiques qui est dans ledit pays, entre lesquels il se treuue plusieurs personnes de merite, il n'y a eu que cinq officiers Catholiques qui ayent esté receus,

depuis seize ans qu'ils ont esté admis aux charges avec ceux de ladite Religion pret. ref. soit audit Conseil soit en la chambre de Comptes, soit aux corps des Capitaines des parsans, soit es offices de iudicature, y compris Monsieur le Senechal; bien que depuis ce temps la tous ces corps aient esté presque renouuillés Que si outre cela on regarde l'estat des gratifications & pensions, on y trouuera encore plus grande difference, tout d'un costé & rien de l'autre.

LE SURVEILLANT.

Depuis seize ans qu'ils sont admis aux charges publiques il n'y en a point vacqué par mort ny par promotion qui ne leur ait esté donnée: Celle du Senechal deux fois, vne de Conseiller au Conseil ordinaire, vne autre de procureur general, vne de Conseiller en la Chambre des Comptes par demission, celle de procureur Patrimonial par promotion, celle de procureur particulier aux parsans d'Aspe; Saubeste, Lembe-ye, & autres ont esté données aux Catholiques tant par le Roy que par Monsieur de la Force qui a puissance d'y pourvoir quand l'occasion s'en est présentée, mesme le Conseil ordinaire qu'ils chargent de tant de calomnies; peu de iours apres leur reestablissement nomma en la place du feu sieur de Maucor Conseiller audit Conseil ordinaire le feu sieur de la Coste, lors seul aduocat Catholique Romain dans le pays, qui feut pourueu de la charge par le Roy, & depuis par sa resignation elle a esté transferee a son fils, qui l'exerce au-

iour d'huy en consequence de ceste premiere nomination; si bien que les Catholiques n'ont a se plaindre que de ce que ceux de la Religion ne méurent sans enfans a quoy il semble qu'ils vueillent pouruoir. Quand a l'estat des gratifications & pensions, ie croy qu'il y a autant de Catholiques en Bearn qui ont gages ou pensions chez le Roy, comme de ceux de la Religion que s'il en est autrement, il faut croire que l'inegalité n'est pas aux recognoissances & recôpêses, mais aux seruices, & aux merites. Car de croire que ceux que le Roy recompense, ou gratifie soient indignes de ses bienfaits & reprouuer ce qu'il *leg. C. de* aprouue est vn espece de sacrilege & de felonie. *re sc.* nie qu'ils cômètent en cest endroit a l'encôtre de sa Maiezté, avec autant de hardiesse, & temerité, comme ils font cy dessus contre le feu Roy Henry le grand, & la Reyne Ieanne sa mere, sans se resouuenir qu'ayant voulu flaistrir la memoire des morts; aumoins deuoient ils craindre & honorer les viuants a l'autorité desquels, ils recognoistroiét de bonne foy deuoir tout respect, hōneur, & obeissance suiuant la parolle de Dieu & loys fondamentalles du pays qui n'exceptent per sonne de loybeissance & fidelité, que tous vrais subiects doiuent au Seigneur Souuerain, & a ses officiers, chacun en son degre si s'estant enyurez de vin de la paillarde Romaine, ils ne s'estoient portez, à reietter & mesconnoistre toute puissance superieure.

Les Euef-

Et si ceux de ladite Religion pretendue reformée se plaignent de ce qu'on demande la reserve de la moitié des charges pour lesdits Catholiques, cest avec delicatessé, puis qu'ils ne se contentent point de l'autre moitié, estans comme ils sont en fort petit nombre dans ledit pays en comparaison desdits Catholiques. Mais leur desir seroit de tellement raualler lefdits Catholiques, & par consequent entant qu'en eux est, la religion Catholique, a l'aduantage de la leur pretendue reformée, que lesdits Catholiques ne fussent plus tenus en aucune consideration, n'y pour le service du Roy n'y pour l'estat.

LE SURVEILLANT.

Ce n'est point avec delicatessé que ceux de la Religion se plaignent que les Euesques veulent faire la loy à leur Maistre, & l'impecher de recompenser ses seruiteurs par la continuation des charges es personnes de leurs enfans, gendres ou autres parents qui s'en rendront capables, mais cest avec raison, & verité qu'ils maintiennent que s'il y a mille personnes dans le pays capables des charges publiques les neufs cens pour le moins sont de la religion ainsi qu'il seroit facile à prouver par le menu s'il en estoit besoyn, & partant la demande de la moitié des charges pour les Catholiques est toute pleine de violence & d'injustice tant par ce qui en a esté deduit cy dessus, que par ce qu'il est notoirement faux que ceux de la Religion soient en fort

petit nombre dans le pays eu esgard aux Catholiques que s'il falloit proportionner le nombre des charges au nombre de ceux qui l' meritent de part & d'autre; il est certain que pour iante la proportion esgalle il en faudroit plustoit oster ux C. th. iques de celles qu'ils possèdent, que de leur en donner de nouvelles vacation aduenant.

LES EUESQUES

Quand a la demande qui regarde la chambre my partye, comme il n'y a personne qui ne voye qu'elle est tresraisonable, aussi n'y a il nul qui ne cognoisse qu'elle est pour le profit des Catholiques, & non desdits Euesques en particulier. Cependant l'on est aduertie que pour en destourner l'establissement, quelques vns tachent de faire entédre qu'elle sera a la foule du peuple. A la verité l'article des Estats la requiert sans rien specifier: Mais lesdits Euesques d'Oloron & de Lescar proposent de tels moyens pour l'establir, qu'elle ne va aucunement a la foule, oppression, n'y surcharge du peuple; ains au bien, profit & repos de tout ledit pays, & seruice de sa Maiesté.

LE SURVEILLANT.

Ceste demande est de la nature des precedentes cest a dire iniuste & seditieuse. Iniuste entant que les Euesques ne scauroient produire vn seul arrest du Cōseil donné par faueur de religion contre vn Catholique; Seditieuse entant que iusques icy les iuges ne se sont iamaïs enquis de la religion des parties qui le plus

souuent & presque tousiours leur est incognue, sinon quand les parties sont de grande qualite ou fort cogneus d'ailleurs, au lieu que si la demande des Euesques est receue, ce sera desormais le premier interrogatoire, qu'il faudra faire aux plaideurs, qui n'engendrera que haine, desfiances, & diuisions parmi les subiects du Roy. Quand aux moyens de l'establir sous la foule du peuple i'estime qu'ils ont bien fait de les faire, maiscurant qu'ils se fussent trouuez de pareille ou pire estoffe que le reste de leur marchandile.

LES EUESQUES.

Moins de profit particulier ont lesdits Euesques es autres demâdes contenues esdits articles, & au Cahier particulier qu'ils presentent. Car il ne se trouuera pas vne seule chose en laquelle ils soient interessez qu'avec le public. Aussi declarent ils & protestent qu'ils n'ont point l'intention de faire n'y procurer rien pour eux en particulier, ains seulement pour le general desdits Catholiques, sans en esperer autre recompense que celle qu'ils en attendent de Dieu.

LE SURVEILLANT.

La main lencee de la disme de Morlane que l'Euesque d'Oloron se vante d'auoir obtenu, le traité de l'abbaye de Luc qu'il à fait avec Messieurs de Gramont, & de Bullion, la deputation de l'Euesque de Lescar à l'assemblée du Clergé de France, à cõdition d'en partager les esmoluments entre luy & l'Euesque d'Oloron, les suruiuances de leurs benefices en faueur de

leurs nepueux, le deffray de leur voyage ia payé & plusieurs autres demâdes qui doiuent clorre leur deputation en Court, sont apprehēder à plusieurs qu'ils ne s'atendent pas fort que Dieu les en vueille recompenser au Ciel, puis qu'ils sont si soigneux de se payer en terre par leurs propres mains, & autant qu'ils peuvent par audace.

LES EVESQUES.

Or bien que tout ce dessus soit tresueritable, & partant que la poursuite desdits Euesques ne puisse estre que tresagreable à tous lesdits Catholiques, comme aussi s'asleurēt ils qu'elle le sera, estant faite selon leur desir & intention, & en suite des plaintes, prieres, & instâces que plusieurs d'entr'eux en ont fait cy deuant ausdits Euesques dans ledit pays: si est ce qu'on a fait courir vn autre bruiēt en ceste Cour, & donné à entendre à leurs Majestez & aux principaux officiers de leur Estat, que lesdits Euesques font lesdites poursuites, plaintes, & supplications sans le sçeu, & qui plus est contre la volonté desdits Catholiques, auxquels ils voudroiet faire accroire qu'ils seront si peu soigneux de leur bien, profit & auancement, qu'ils d'esaduouieront en cela lesdits Euesques, & y contrediront. Et avec ces rapports & beaux discours tachent à diuertir les bonnes & saintes intentions de leurs Majestez & de leur Conseil, à ce qu'ils ne pouruoyent point au soulagement & auancement desdits Catholiques en ordonnant ledit reſtabliſſement & reiglement.

LE SURVEILLANT

Si les Euesques seront desaduouez par les Catholiques Romains de leurs poursuites ou non, cest chose qui se verifera bien tard : mais pour le moins est il hors de doute qu'ils les font sans le sçeu n'y adueu de la plus part des plus qualifiez & clairuoyans d'entre eux.

LES EUESQUES.

A cause desquels bruits, & pour en estouffer le cours & les impressions qui en pourroient demeurer dans les esprits des moins informez de ceste verité, lesdits Euesques ont estimé deuoir donner cognoissance de ce dessus ausdits Catholiques, les prier, comme ils font, d'y adiouster foy, de lagreer, d'y conspirer, ainsi que plusieurs d'entre eux ont desia fait, & de tesmoigner à vn chacun qu'ils en desirent l'effect & l'execution leur promettant lesdits Euesques d'apporter de leur part en cela & en toute autre chose qui regardera leur bien & contentement, la mesme affection, peine & diligence qu'ils y ont apportée iusques à present, ou plus grande s'il est possible, & telle qu'ils doiuent attendre de personnes de leur qualité.

LE SURVEILLANT.

Si ce qu'ils ont dit en l'article precedent estoit veritable quel besoing auroient ils d'adueu, puis qu'ils ont charge expresse à quoy faire ces douces persuasions qu'on voudroit faire accroire aux Catholiques qu'ils seront si peu soigneux de leur bien qu'ils desaduouent

ront les Euesques ? A quoy faire encore ces prieres
 de conspirer avec eux , & ces promesses de faire le re-
 ciproque ? sinon pour estraindre tout a fait le nœud
 de leur coniuration contre ceux de la Religion
 qui ne laissent pas d'esperer qu'ils en
 auront la mesme issue que leurs
 predecesseurs eurent de la
 leur & de châter tous
 d'une voix :

*Le mal qu'on nous brasse & apreste,
 Retombera dessus leur teste.*

FAUTES A CORRIGER.

P. 1. l. 20. deuers vous? p. 8. l. 12. demeure-
 rent p. 9. l. 5. royaumes l. 19. principe p. 11.
 l. 22. diacres p. 15. l. 1. en sçauroit p. 16. l. 19.
 civil, canonicq, l. 27. Aduocats, Conseillers,
 p. 17. l. 15. S. Luc chap. 12. v. 13, 14. p. 18.
 l. 19. le liure intitulé les canons des Apostres
 can. 6. 80. 82. l. 24. Tim. p. 19. l. 3. repetita
 p. 20. l. 26. nais p. 25. l. 5. *civil, canonicq, &*
municipal: p. 26. l. 11. villes, bourcs, p. 34. l.
 3. resument p. 38. l. 5. profit l. 25. prou bien
 p. 40. l. 6. employies l. 13. demandez p. 41.
 l. 3. comeres l. 16. quoy l. 28. s'exerçoient p.
 42. l. 6. perte l. 7. lassera p. 43. l. 3. naissance
 p. 45. l. 21. Gelase p. 49. l. 11. du feu p. 50.
 l. 20. *Chron. 2. chap. 34. l. 24. Chron. 2. chap.*
30. 31. p. 51. l. 7. innombrable pag. 53. l. 17.
 Maïesté, Messieurs p. 58 l. 20. vne verité p.
 60. l. 1. cures l. 2. quasi l. 19. d'eux p. 66. lig.
 24. ils ont pag. 68. l. 16. par force lig. 28. nos
 mains pag. 75. lig. 7. sans la foule lig. 8. taire
 pag. 77. lig. 25. d'adueu.